



江山縣志

ル 5  
3135  
8



門 5  
號 3135  
卷 8

江山縣志卷之十一 下

藝文志五

詩賦 附詩餘

四言詩

送周循州

蘇軾

循州彥質在郡二年書問無虛日罷歸過惠為余留半月既別和陶淵明答龐參軍韻六首送之

我見異人且得異書挾書從人何適不娛羅浮之址卜我  
新居而非元德三顧我廬 旨酒荔蕉絕甘分珍雖云晚  
接數面自親海隅一笑豈云無人無酒酤我或乞其鄰  
將行復止眷言孜孜苟有於中傾倒出之奕奕千言粲焉

陳詩觴行筆落了不容思  
非妙待側兩髦了分歌舞壽  
我永為歡欣曲終悽然仰視浮雲此曲此聲何時復聞  
擊鼓其鏜船開艣鳴顧我而言雨泣載零子卿白首當還  
西京遼東萬里亦歸管甯  
感子至意託辭西風吾生一  
塵寓形空中願言謙亨君子有終功名在子何異我躬

殉節詩

忠懿夫人方氏

昊天惜惜四海洶洶趙氏終衰妖孽景從  
解一我生不辰咨嗟風雨一木難支勸君解組  
解二妾身邀隱君志盡忠願學仲連甘蹈海東  
解三舉世鬚眉何殊巾幗偏我婦人尙知報國  
解四有女貞潔有男才良素解大義不負綱常  
解五

忠臣祝厥從二帝北行

葉琛

北方肆虐靖康難作二帝北行根盤節錯  
解一忠臣祝公披髮相從追隨左右一片精忠  
解二黃沙四起從君千里血淚淋漓跋跣山水  
解三君為敵虜臣作羈旅道途行吟相捍牧圍  
解四鞭撻流血萬般磨折推棄道旁君臣離別  
解五念君不已觸石身死哀哉祝公貞忠自矢  
解六

祝亦若遇盜負母行

明鄭騷

祝君亦若江郎是託純孝性成大義裁度  
解一時有強梁擾亂江郎祝君於此整植綱常  
解二上有老母下有幼子權衡重輕商度可否  
解三婦日子幼待承世胄亦若曰唯且仰天

祐四解負母而逃棄子而走妻離子散老母是守五解孝感動

天賦意變遷稱為至孝母子兩全六解倏然一闕合家抱痛

幸得團圓母云是夢七解事非苟且至孝實寡作負母行待

採風者八解

國朝

讀忠懿夫人詩並仿原體

武陵汪浩東瀾

寒室將傾憂心反側詩以永言悲歌大息知廢知興神明

不忒相彼忠節勸隱實力夫子不偕知必死國一息難

存先死遠口有女元娘生也岐嶷忠懿口授古訓是則

父兄偕死貞珉並勒嗚呼忠懿巾幗奚職從容就義永

存其德誰其媿之萬古之特

雙孝詩為朱上舍尙聰夫婦作

王澤沛

有烏雙飛下上其音情殷反哺如鼓瑟琴北堂晝永南陔

韻深孝思不匱實獲我心佳偶曰妃夫倡婦隨鹿車共

挽鴻案齊眉朱門徐榻壽母令妻同堂二代僉曰咸宜

遭家不造早背椿榮八旬祖母依孰為生嗟我寡母沈痛

喪明奉觴換杖必敬必誠如瓶其口如璧其身克勤克

儉和睦鄉鄰多書忍字樂道安貧不貽親憂斯曰順親

中饋得人婢媪皆喜丙夜辛勤不尙羅綺斗米寸絲惠沾

桑梓淑慎其身克諧妯娌不求聞達偕隱江鄉皇天眷

江山縣志 卷之十一 三  
佑前沈後揚同膺 旌表邦家之光永錫爾類百世流芳

五言古詩

到官病倦未嘗會客毛正仲惠茶乃以端午小集石

塔戲作詩爲謝

宋 蘇軾

我生亦何須一飽萬想滅胡爲設方丈養此膚寸舌邇來  
交衰病過午飯輒噎謬爲淮海帥每愧厨傳缺爨無欲清  
大奉使免內熱空煩赤泥印遠致紫玉玦爲君伐羔豚歌  
舞菰黍節禪窗麗午景蜀井出冰雪坐客皆可人鼎器手  
自潔金釵候湯眼魚蟹亦應訣遂令色香味一日備三繼  
報君不虛授知我非輕啜

禱雨響應寄蘇長公

東堂集

宋 毛滂 澤民

雨意不肯休垂垂閣雲端餘煖蒸衣裘勢作墮指寒矐黃  
陰雨來俄忽已瀾灑空階答簷語跳珠上闌干世尊儼無  
說凍坐誰爲歡蕭條僧舍影癡兀依蒲團相照憐短檠坐  
恐膏油乾勞生竟何如歲月如走丸七星在長劍細事何  
足彈尙想邱園人顏頰時一丹徘徊經屠門飽意只有謾  
顧惟淬牛刀庶足厭一餐不然學農圃趁此筋力完年豐  
得飽飯日晏眠茅莞咄嗟萬里空俯仰百歲殫行止信流  
坎所遇隨足安勲名片紙薄天地如瓢箪離騷幸相逢濁  
酒聊自寬誰與談此心夜氣方漫漫絕牆過饑鼠翻倒爭

餘殘

次韻毛滂法曹感雨

宋蘇軾

江南佳公子遺我錦繡端  
瓊之温如春公子焉得寒興雨  
自有時膚寸便濛濛斂藏以自潤  
牛斗何足干空庭月與影疆結  
三友歡我豈不足歟要此清團團  
所歡在一醉常恐樽中乾捨酒尙  
可樂明珠如彈丸但恐千仞雀  
匆匆發虛彈迨子間暇時種子  
田中丹一朝涉世故空腹容欺謾  
我頃在東坡秋菊爲夕餐永愧坡  
間人布褐爲我完雪堂初覆瓦上  
簞無下莞時時亦設客每醉筒輒  
彈一笑便傾倒五斗得輕安公子  
豈我徒衣鉢傳一簞定非郊與島  
筆

勢江河寬悲吟古寺中  
穿帷雪漫漫他年記此味芋火對  
懶殘

送鄭惟泰丞江山

宋張栢父

都城十兩車送子江之滄  
目寄片帆飛水國沿漁浦憐子  
經世才戰筆文中虎小試乘田  
車暫爲民父母民社不輕  
寄憂戚抱民苦忠孝指心切  
求不愧仰俯青天遇有闕思  
惟煉石補劾職了男兒一扇  
隨風古送子獨鍾情淮河共  
鄉土

過毛達可友給事覽壁間舊詩次韻二首

宋程俱

堂前清颺發樹外赤日西坐令天壤間氣候忽不齊解帶  
席嘉蔭長哦壁間題故應有神護塵土不得迷前年款我  
門鷓鴣亦已啼今年復鷓鴣旅庭莎欲鳴雞西游有底急觸  
熱忘卑棲似爲饑所驅不計轍與蹄綈袍意彌厚盤殮洗  
羹藜磊塊久不澆醅醪或朝蓬裏揚之佳句夜直難相攜  
黃華非不佳寒澹每見少蕭蕭亦無言懷抱不自曉深嫌  
小桃天欲伴霜松矯窺叢慰寂寞時有南飛鳥主人真賞  
奇澹植勤便了徘徊傍東籬高興在塵表坐有白頭生臨  
風百憂繞

明發平坦市

茶志有平坦  
渡平坦鋪

宋楊萬里

花飛滋曉寒乘暝新夜聽萬象宿雨餘潔齊無欠淨霽曦  
輒欲吐遠峯忽復暝林廬居者誰戶與碧山映薔薇上木  
末不架得初性彼卧晏未與我征漂靡定惛然懷吾廬花  
竹幽更盛茲焉獨足羨自視不差勝顧瞻江之西心速路  
逾寬似聞前溪水盡還舊沙徑

過仙霞嶺

元貢師泰

連山界甌閩茲嶺亦峻極傑觀莫方陞高標麗園則淋漓  
割元氣黠澹帶古色綿亘姑蔑墟蒼翠欲四塞仙霞高燭  
天五采絢赫艷萬仞聳崢嶸百里見孤特稜角露毫芒縷  
脉界縫緘我行任綱紀逾月來自北道途多艱虞况乃事

登陟初緣複磴危漸轉崇關側攢峯與疊巘盡日走窮勞  
連岡躡衙衙絕壑瞰冒冒遠岫忽已遠近隴復相逼躋攀  
苦分寸跬步輒止極蒼然造層顛軒豁始有得或列若屏  
幃或限若戶闕或偃若覆釜或俯若鼎鉞或恭若執圭或  
竦若憑軾或尊若受朝或卑若就職或若孤鶴駕或若萬  
馬勒或若華蓋張或若夫容櫺或淨若新沐或靚若初飾  
或爭先若馳或嚴整若飭或若進而拱或若退而効或偃  
若將趨或顛若將踣或堅若長城或錯若列國或聯若串  
珠或牽若徽纆或搏若熊羆或射若虺蜮或冕若華旒或  
屨若赤纒或顛顛若昂或踽踽若抑或軒軒若舉或悄悄

若默或欣欣若喜或慊慊若戚或駭若蠢愚或穎若岐嶷  
或穹若龜曝或直若隼草或差若頡頏或比若福稜或倚  
若弓劍或羅若罟罟或銳若戈矛或卓若檠杙或渥焉若  
丹或黝焉若墨或離焉若愁或俛焉若畫或儼焉若思或  
慘焉若憶或谿衍若噬或鏡削若尅崎嶇厖萬狀意態轉  
惶惑矯首勞脛脰舉膝撐胸臆僕夫盡劬瘁負擔屢蒲伏  
健駭猿猱勢快羨飛鳥翼長風度林薄草樹紛偃仄雲歸  
窵竇昏潤滴嵌巖泐涓流乍透迤懸溜竟漏派豫章間梗  
楠榛莽翳柞械野草結山果瑣碎多不識爛熳錦機翻離  
披翠羽織竹籟笙鳳鳴藤雨淵珠滴濃淡各異態不豐亦



不啻根露獸鬪斂株朽人立直幽谷啾怪禽坳塘落鷓鴣  
古柴蔓草荒廢井苔蘇蝕茅屋列二三亂石羅萬億水耕  
雜秔秣火種饒黍稷寒泉漫蹲鴟饑食同稼穡憑高護徘徊  
得廢暫休息掬水滌煩襟坐愛清泠泠仰看高空青俯  
視深潭黑其上浩無際其下深莫測豈惟龍蛇都實乃虎  
豹域前瞻已出險後顧猶未即我行既已遠我志敢不力  
蒼皇問前途日挂半巖巖峻坂注迢迢憂心動惻惻自從  
黃巢亂近復多盜賊敗屋雖僅存居者闔逃匿窗牖旋遮  
護几案忙拂拭頽然就床枕強起具蔬食新醅薦茅柴晚  
飯釘蘆菔豈不念馳驅王事亦孔棘江東戰未已閩南病

尤亟所當效微忠孰敢怠晷刻吾道豈無補憲度亦有式  
民風轉移間要在盡悃幅豈徒慰凋疲庶將別淑慝追蹤  
古聞人上以報皇德

送白巖公歸

明楊魁

別君倏幾載一見咨真詮至道諒履素丰采如登仙馬首  
踰千嶺到處輒盤旋卽旅豈君事兀兀且窮年泰嶽陟日  
照東海俯雲煙異人多相晤奧旨傳幽元妙密竟深造收  
斂何淵淵微機寓風雅六藝激芳妍車轍環禹迹弔古嵩  
衡巔歌聲出金石文辭追史遷豈不舒襟抱歸根恐未然  
何以淨明室凝神未發前湛虛絕根翳皓月空中懸所如

無悔吝混爾歸天全巖樹凌霜雪鷓鴣任翱翔

送何東白歸江山

玉茗堂集

明湯顯祖義仍

市隱今無人江山有東白少壯類豪漫老大務敦樸偶回  
救世心一試懸壺迹雖少隔垣耳能知數歲脉賣藥常以  
施問病每如噴有奇復深穩無厭普調適腰腿謝車馬婆  
娑赴朝夕典衣時為人解紛翻借客出入在府寺談笑賤  
金璧洞戶無可猜通都相莫逆口語無人損心事有天益  
倉公乃生男扁鵲不受刺忽忽動歸思移家舊泉石嫗孺  
走遮挽貧病轉愁劇暫為去來期終以江山隔五年予憇  
茲朝集限於役遠愧全活手去為人愛惜羽翼何以報肝

膽在所積昌溪眷餘想逆汝一迴履重來不在茲停雲望至  
歸鳥

題毛達和書舍

明王世貞

君卜清溪里悠然何所期雲中辨越樹花外引桐絲白鳥  
青洲路孤林叢桂枝下帷千卷足排闥萬言奇匪藉處囊  
意聊因捧檄時披圖知郡閣芳草駐遐思

送友人歸江山

明毛允讓

我當遊帝京送子歸姑蔑一夜長風生依依不能別桐江  
潮汐多輕舟坐真滅去去兩含情梅花正堪折

國朝

發江山

李 蔚 景商

行役未云已所見日以殊受分有勞逸安能厭馳驅太末  
 控須江南北實要途邑里一何做田瘠物色枯自昔遘喪  
 亂鋒鏑氣未蘇及今歲方饑斗粟易珠珠悍壯揭竿去穉  
 弱為流連羣盜隱巖岩出沒如豺獍行侶飽凶嗟曾無問  
 斯須守土急搜勦滋蔓胡易圖兼聞虎為號白日逝通衢  
 磨牙恣吞噬豈直矜負嶠迢迢四千里艱阻首茲區知命  
 復何懼惻俗能無吁迺市輳商舶有里曰清湖解鞍試休  
 沐昂首畏景晡

雨中謁江郎山廟望三片石

錢塘 湯可宗

夙聞江郎山今來值天雨荒途橫古廟破殿圍密樹燒燭  
 拜階墀陰風簷角度神明現靈異徒眾相驚懼仰瞻三巨  
 石雲際自迴顧轟峙摩蒼穹戍削絕依附幽明理可通長  
 途莫默護願言平穩歸獨上層梯路天池濯雙足披襟吸  
 朝露

江山道上

湘潭 陳鵬年 滄洲

信宿度重岡絕壁踏寒雨仙霞及江郎連日曛煙雲填沒  
 清湖店牛衣進草具時艱少舟楫欲濟困陸陸吟眺出津  
 亭蒼茫望烟樹虛谷鳴凍泉層巖覓細路不意岑寂中冥  
 搜得奇遇琳宮跨絕壑虬松勢偃僕木杪見溪帆人煙近

可數地幽往來闔境絕幽靈聚頗聞布金者掛冠託情襟  
丹梯漸荆榛采鳳半朽蠹將毋數年後棧題委霜露物理  
固難堅飛光安可駐我本蕭放人榮塵若籠箴天寒日氣  
瘦道遠歲云暮對此生遐心徘徊屢却顧悠然松栢間歸  
尋遂初賦

楓嶺山行至梨嶺

徐葆光

風泉聒旅枕壁鏡照客起雲木澗初陽蒙茸猶谷底笳鳴  
驚宿禽旌影照溪水虹橋接楓嶺關程從此始仰見梨山  
顛霧行猶十里陰崖竹梢空寒碧光巖巖山僧延客坐孤  
亭翠微裏亭邊方竹枝乍見心尤喜稜稜節目勻端正此

君子我行既在險所恃非圓美從僧乞杖材中矩皆如砥  
行行步亦步扶我歷濛汜

登步鰲山訪逸平先生遺蹟

江左吳文龍問圃

巨臂舒青雲金鰲幻奇詭下有君子居彷彿傳芳軌古洞  
披雲根迴溪敞沙嘴石床上蘚斑墨浪浮花蕊幾聲杜宇  
啼萬古春風裏不見當年人空餘去後址寂寞此山中但  
聞響流水

楓嶺道中望江郎山

施廷樞

藍輿越平岡超遙指連嶺便娟修眉呈妍媸客能省江郎  
最神秀珥瑁地靈秉孤掌絕眾儷離立冠天影遠巒爭縈

迥近旬分朝寘我行日亭午眩汗困炎景安得御颺輪縹  
緲凌絕頂採摘徧巖幽煩贖豁仙茗山根良田疇青青始  
抽穎居人訴米貴欲語似含鯁山靈庶見哀雨暘不待請  
嘉穀其順成免飼糶與麴鄉少催租符墟里日便靜柴扉  
逐山開鼓腹真自幸

東溪講舍

柴天復

景峯鬱岩堯須水渚清冽間氣鍾厥初明時崛奇傑結屋  
傍溪湄啟扉面林樾端坐整素襟神理自超絕塵紛屏囂  
雜俗駕謝軌轍詩書論其世景仰多前哲蚤歲得師承良  
知有真訣秋風越王臺游雲耿明滅松柏深自持皋蘭佩

維潔時招素心人相戒酬佳節朋來眇雲龍滄海幽思結  
卷幔窺游魚烹茗吸寒雪情同鹿洞高教與龍門設蕭條  
南塘路誰哉繼芳烈

據宋志是詩誤刻東溪集

石輪有引

吳郡張德純天農

汪東瀾寅長遠惠石輪餽此饗腹適同年許都諫  
謹齋在座紀以詩同用昌黎食蝦蟇韻寄謝索和  
南烹有石輪賦味不賦貌徒然駭初矚劣與薑黽較其肚  
固婪酣其脊等臙炮那知異產處巖居非積淖坐蟄清潺  
間兩部靜弗開如何登食品捕法誰所教張橐箒夜火掩  
取乘勿覺致遠可兩日出籠猶跳爆我儻知我饒走送敕  
衙校我庖對攢眉羹炙懼莫效我姑試其真勿使肉味撓

鮮烹適脆性畧以柄筍單肌理玉既將皮紋錦還稍飲我  
及嘉客幸此口同樂指笑韓公詩拙養亦單豹掌烟雖有  
禁供龜詎非孝戀此倘再嘗鱸鄉未迴權

前題和韻

汪浩

人物果一理論真不論貌須江有石輪形與老蟾較龐然  
臃厥腹斑點驚癩炮而性厭塵氛蹲巖遠泥淖持頤如黑  
甜脈脈對勿開何年登俎豆烹調未聞教口腹甚細微豈  
亦有先覺回想掩取時把火如引爆土人謂石輪夏月喜食虫尾有火光者人  
以微火致之一落承螭手於人何所校知味非易牙走送兼法

效清標畏炎暑戒勿令敗撓慙慙向碧渠雨益爲籠罩庶

幾先我口意興或稍稍不謂引瑤章津津投所樂垂涎冀  
再嘗毋乃愧廉豹意者薦胡考張仲洵稱孝咏句識法良  
嘗試勝撥棹

前題和韻

山陰宋晟彥裔

石蛤有殊形蠢頤無異貌水從鱗鱣游陸與螻蛄較舒爪  
利於錐曝腹掩其炮不敢踞巖巒每喜陷泥淖蝮蛇爲守  
門鶯鳩反乘鬧噉吻藉以伸猛鷲不待教入夏毒逾張凌  
冬螫難覺塞雁倚蘆枝山魃驚竹爆此際可登庖醜類付  
羣校屬屢又奚庸驅風或小效燒薤皮始妍齶醬骨可撓  
有如豚用乳亦曰魚在罩遠餉莫嫌遲一嚮休見稍比物

定何如擊鮮差可樂螭遁照影犀驚潰花文豹未達敢攄  
忱戒貪乃云考蚤戶漫誇奇龍編問歸棹

前題和韻

錢塘 金紹昌

石輪以魚名毋乃爽厥貌盤餐登異品差可食蛙較

李長吉詩

食熊則肥 食蛙則瘦爬沙亞形鈍滑澆失膚炮穴巖蟄深幽離垢遠

泥淖土人工掩捕篝火息羣鬧剝斲收膳經方法昧前教

昌黎詫南食目擊驚始覺此物見未曾鼎味遺煎爆鼈臙

與龜羹譬爾如列校如何松南翁指動時一效爾雅誤虻

蟻興味頗難撓作詩誇雋永韓柳受籠罩嗟余困彈鋏侯

鯖詎嘗稍鼃鼃唾吳儂亦未殊好樂初疑終放筇知味謹

窺豹河鮓珍玉腴腊毒惡傷孝

石輪冬則噉蛇

舍旃南有嘉清溪

覓漁棹

脩城紀事

雲南 楊紹霆 太和

按邑城脩於道光七年一切興工竣事楊明府俱梓有記畧兵燹後遺冊無存今於味蒼雪齋詩選中得此詩亟錄之以資考證

守土資城池居民賴保障奈何須江城崩壞莫名狀如山

空南來若屏闕西向東北將頽垣如人病蠱脹父老久關

心歎息空扶杖道從官長來此役無人倡是邦人直幹急

公不辭讓一朝集千金司事膽氣壯役夫來如川軌石堆

如嶂煥然雉堞新有似春臺上玉葉得前因金龍實先創

後先慘淡心無需問哲匠

田家吟

鄭瑞麟 雲洲

田水聽悠悠野老驅黃牛秋未淋夜雨種茲來與牟主伯  
戒亞旅既播還須耰赤緹兼埴壚人事何敢休日暗麥苗  
秀露浥麥穗抽種種多荒歉但願麥有秋拜禱祈先畝開  
甕陳新籟藉此補不足無致君王憂  
小麥方懸竿大麥已垂芒長至時已屆打麥早登場同井  
四五輩耒板聲遠揚行人過隴畝如聞餅餌香今年麥大  
有盈車慶穰穰多此十斛收窮氓數月糧呼朋復引類新  
可以彘嘗明日再努力正好趁朝陽

年來二三月春雨方如膏烏糲食細草負耒行東皋家有  
十畝田一日盡周遭鄰叟相過從切切語兒曹歉收爲偷  
惰多獲惟作勞息肩柳陰下手披綠絲條  
耳聽催耕鳥聲聲喚插禾霑體復塗足風雨侵綠蓑不辭  
泥滑滑我勞應如何青苗四五稟不煩秧馬馱蒸蒸餉東  
菑隔隴聞謳歌閒看水田上一一白鷺過

西莊多晚稻秋雨聽浪浪八月社鼓鳴比戶炊黃粱肥田  
無惡歲瘠田功更忙上農勤力穡凶歉幸無傷秋露如珠  
圓秋稼如雲黃九月方納秸十月始滌場吾儕本小人未  
敢稱兕觥願得合穎禾永爲邦國光



雙孝詩為家南麓叔祖暨徐孺人作

朱家驥 樊山

昔居大母喪聞公溘焉逝

公與先大母同時謝世

哲人已云訃泣然

欲流涕我亦恨終天失怙悲早歲奉侍重萱堂一身承兩世處境與公同立志未能速憶公年少時孝恭克奮勵更有同心人內助多賢慧祇承菽水歡不圖身家討公壽已考終公行永勿替仰止在高山私淑惟心契

戊午紀事六百言

鄭恒年 月嶠

疇昔談喪亂僉云語捕風不信丁尼運我躬竟親逢方春

二月初蠢動騷鄰封

二月五日 竄廣豐

予時適在郡倉猝迴江東

彈丸蕞爾邑戰守具都空急籌運卵石眾志希所同海會

開練局市坊沸若洶巡邏徹嚴夜職儼雞人充捷音候文

報如早望靈靈又如人病瘧寒退熱復烘將軍忽天降下

馬氣騰虹家風矢三箭喬梓都元戎

薛協戎父子

健兒領四百

年少淮上雄豐谿界接壤官溪扼其衝力請營細柳西南

屹崇墉妖星掃千尾誓以偏師攻爭奈議不合同寅少和

衷楊花懶無賴飄泊隨飛蓬孤軍坐不救致令前摧鋒枵

腹戰三日力疲途竟窮時亦有義旅激諭糾鄉農周郎計

固妙

鳳林周元禮

徐孺偏春容

泥坂徐叶中

小勝敢驕敵奪馬貪虜

功鄉民殺賊十餘人

知進不知退伏莽愁深叢奕奕靈鷲

寺借作屯糧宮寒食方禁火俄驚烈燄紅

賊於二十二日從間道出燒燬

靈鷲寺是日清明節此關瓦已解為散羣分辨書生不慣陣如水決

奔洪可憐白面郎死事亦云忠徐君於是日遭難從茲毒遂陷徧

體胥流膿官溪達鳳林四野徧沙蟲峽口亦波及一炬傷

祖龍危哉九仙山峽口上十里予全家俱避此隔此僅數峯倘竟承突

至定然遭磨礱幸渠徑直下十日熄傳烽累卵危獲安惟

天惟祖宗先祖塋在此登高試一望城闕煙濛濛故園不堪問

自分付祝融俄傳惡耗至親故半摧兇若者飽豺虎若者

羈樊籠始信崑岡火玉石分奚從子有急難弟清陰芑雙

桐入門共甘苦那忍翔分鴻傷哉燎原急買舟去匆匆萍

泛蹤莫卜魚函梗難通全家十餘口責併予一躬上有白

髮親下有黃口童清夜每懷及千鈞擔誰鬆咄咄此石頑

石安得來生公又乏始皇術鞭之投荒蒙城狐業久踞僞

檄馳橫縱欺爾愚民愚儼責包茅供虎口卽倖脫狼性終

愁凶他族實偏處憂心時忡忡溯自開國初魏楊紛內訌

耿藩繼煽亂榛莽駝埋銅二百厯餘載耕鑿安愚蒙大劫

今復遘殺運何日終我生命如綫孰與叩蒼穹書此聊當

哭紀歲惟咸豐

七言古詩

教子詩

唐 淑德郡主

我本世胄深宮質下嫁祝門婦道執汝父從戎干戈戢命

我避難江郎入下撫雙雛時訓飭上侍老親年九十念汝  
生父喪原隰生死茫茫不相及人生勵志應早立汝宜經  
史勤時習莫負我身親炊汲汝父汝祖各飲泣

送周穎之京師

宋趙抃

吾鄉伯堅真丈夫氣剛色強言詞疎胸中一物不使有日  
儲月歛惟詩書布裘落魄韋帶緩權門不肯低眉趨朋友  
累百誰爾汝人皆不與爭挪揄掩關啜菽苦意氣糞壤玉  
璧泥沙珠宣慈中山我孤處昨日走介遺吾書書云詔下  
顯俊父兄命穎之京師古人求養志擇祿今而豈得逃  
馳驅肩書手劍出門去嗟咨肯復兒女如我聞其辭涕交  
下人皆欲養翳我無羨子之爲與道合勸子急往無踟躕  
明年得志拜堂上豈非人子榮親歟

讀祝厰祝光焞忠孝合傳有感

明宋濂

古往今來如過電愚忠愚孝令人羨常持此意論世人求  
之茫茫皆不見我讀郎峯祝姓譜內有忠孝相合傳子名  
光焞父名厰讀之感歎神無倦意昔宋室都梁沐金寇時  
來驚征戰擄掠二帝向北行忠臣祝厰隨後殿萬里從君  
天漠北一臣二主作親眷此時慘澹不堪言黃沙漠漠擣  
素練撻之流血不許隨備極困苦經磨鍊兩目昏花血淚  
飛精忠報主殞沙甸感動孝子祝光焞萬里尋親奔救編

入朝二帝五國城君臣抱哭淚如線只見二帝不見父痛  
 苦穿心類萬箭二帝告焞汝父隨狂風飄散花片片未知  
 生死在何方急宜追尋莫空戀光焞哀拜二帝前回頭遠  
 行別帝面號咷大哭望青天哭倒長途日轉眩忽聞道旁  
 有人言魂魄頻驚肉顫顫肉跳貌謂汝父為宋忠臣不忍忠  
 骨輕棄賤曾收父尸葬沙漠佩玉鐫名示無變光焞因之  
 見父瑩秋風飄搖捐團扇開瑩負親望南回雪滿關山風  
 漂霰從此萬里見君親忠孝兩全那家彥我讀遺傳漫吟  
 詩史册表名應首選

弔孝女徐元娘

明康海對山

元娘孝烈千古奇報國酬親日月垂自小讀書解大義從  
 容殉節何如之裂帛揮毫寫壯語生氣猶能起風雨君不  
 見后妃君王皆北行令人愧死孝烈女

弔烈婦

明徐霈

春日杲杲照江湄夫婦橋行攜二兒一兒失手墮波裡捐  
 軀赴掾夫亦死夫死兒墮心剜傷仰首籲天天茫茫不忍  
 見此形獨在為念姑嫜無倚賴晨昏奉養須有人幸有孤  
 兒可託身囑兒奉姑言已畢蒼林慘淡昏白日吁嗟生同  
 死不移千秋濤浪魂相隨衷腸効死苦不蚤豈論輕塵棲  
 弱草柏舟一逝何滔滔珮環羅襪空江皋橋邊芳烈傳已

久歲歲春風悲綠柳

按此詩攷東溪文集係弔周烈婦詩有小序舊志作徐烈婦未識因何而

誤今仍其舊而補錄小序於後 婦姓周須川人夫忠家事貧薄夫力田婦織紵僅供家口未嘗苟屈於人有姑在堂煦煦奉養不起生子二長勝宗年十餘歲次子纔襁負一日夫婦往東嶽廟燒香路便母家欲先訪之過羅娘橋夫抱幼子半渡忽墮乍浮乍沉蹇裳援之溺水中周氏哀慟謂其子曰吾兒既溺夫又沉沒吾安能獨生汝歸依祖母莫驚惶除頭髻付兒挽髮束身投下兒哭牽之弗能止隨夫而死一縣聞之皆嗟嘆壯其節競為詩詞以弔之

贈余見田新城歌

徐霈

西域化城高突兀神奇變化何超忽天台赤城造物鍾橫江跨海凝仙跡人間異事烏可常人代天工乃長久自非裁成範圍力齊民胡然遂生息須江古來無城郭時際昇

平民可樂強暴時從東谷生事變無端奇禍乍余侯蒞政

憫黔黎為創乾坤不墜福握奇制變自有機設險山川爰

守國經始農隙時趨役有常期五月報成功神速乃爾奇

工人庸瘁瘠品物若含滋參差粉堞象羣革崢嶸石廓驚

虹霓洞開重門交遠風週迴疊巘晴淨曦江空水淨拖白

練壑窈鍾聲響翠微庾公興不淺登眺何舒遲越石坐清

嘯月明照風姿渺渺送春日草樹秀葦堤魚鳥得真性歌

詠適天機四郊口靜風塵隔雙塔並峙蒼龍翔星閣凌虛

奠辰極左右升陟參帝傍循環七政破昏曉岩堯八極惟

青蒼對時足行樂延景堪舉觴耕犁翻野綠麥浪鋪雲黃

農人詫村曲四民室家各胥慶頌聲盈路其洋洋越東百  
口豈足淹九天紫殿應明揚卧轍恐難留計日登明光甘  
棠存遺愛去思豈能忘行當調羹商鼎彛皇風穆穆挹黃  
虞萬間廣庇遠風雨海隅日出咸熙熙

衍川行

伯宗毛次公自署其  
號曰衍川因為賦之

明王

問

仲山

君不見黃流西來洸漭渺無際又不見岷流出峽浩瀚無  
停湍胡然乎支分派別終古錯紛衍無乃源泉到海涵蓄  
空洞鍾重淵嗟哉江河之勢則如此而况宗工厚積如巨  
川江山挺秀發天目元氣萃聚生耆賢致身位台斗萬化  
隨運旋為國元老望重三垣兩朝開濟作舟楫鳳瑞麟徵

相後先古稱繼體難媲美今見人文尺五天必有巨浸乃  
發汪濊自非世美孰廣慶源潢渠湯湯多灌沃膏澤民物  
何無邊洪源方至委已接但見揚瀾演澗日夕連雲烟吾  
聞伊陟象賢佐商室西平繩武持兵權清時共羨箕裘子  
勲業應聯世德延

國朝

弔徐正節先生

汪浩

嗚呼正節代幾人從容就義天地塞憶昔舉亭次元師少  
帝三宮盡皆北先生身無北軍寄誰騎大駟掃欃槍先生  
職非平樂監那能跨海斬長鯨橫經辟雍聽鐘鼓我冠博

帶一諸生黑狐向我立黃狐向我嘯肝腦塗地留中原兒  
 女胡可爲臣妾天生忠孝萃一門骨肉交勉乃心協大兒  
 鄉貢琦小兒鄉貢崧元娘一閨秀正氣彌蒼穹整衣祭拜  
 岳王前忠魂英魄如有着酒肉餉僕任沉斲吟詩共步梯  
 雲閣閣中火起奴子驚火滅何知泉未涸倉皇未諭出何  
 之曉尋井頭井水碧井底蛟龍不敢侵瞪目僵立萬人辟  
 西子湖邊照漆燈六橋風景黯顏色高粱異世請建祠忠  
 節垂名此爲特嗚呼武穆非得已文山捐一身宋室間氣  
 鍾咸涓咸涓鍾我須江宵雅肄三之微臣

金紹昌

皋亭陣雲壓城黑三日錢塘枯海脉軼道降王繫組迎青  
 城覆轍嗟何迫堂堂太學崇先師三綱九法相維持葺宏  
 碧血留一士赤手未可將天支梯雲餘焰猶未冷盡室相  
 率入深井千載同招柴市魂一沔尙浸銀瓶影

血衣行

劉侃 香雪

明嘉靖中吾邑徐東溪先生爲監察御史抗疏救  
 貴溪相國廷杖藏其血衣於積以示後人積故在  
 今方伯第樓中扁  
 鏞甚固人弗敢故

一領朝衣三百載層樓夜夜生光采忠臣熱血鬼神護至  
 今如見東溪在東溪義烈奪三軍正氣叱咤生風雲鑄鐵  
 作肝氣不懾誓矢忠臣在致君是時分宜氣燄熾外奸內

臺交相魅黃閣宰臣結怨深旋借河套售奸議獄司鍛鍊  
白晝昏一箭竟爾墜雙翅相臣將從盤水誅壯士何忍西  
曹肆先生草疏上明廷救章字字挾風霆神羊角觸豺狼  
怒慷慨拜杖朝衣腥碧血淋漓身何有但恨奸回姦國經  
詞人流涕上東門邊師遺恨風波亭痛定思痛心猶熱遺  
衫珍藏勵苦節豈但侍中血勿流欲使後人效芳烈

劉佳眉士

仗馬一鳴天動色大呼伏闕請誅賊滿腔熱血爲誰傾灑  
向君前死亦得肅皇高拱分宜驕京攸勢燄傾中朝閣臣  
朝衣赴東市貴溪冤氣何能消吾鄉給諫人中傑救章夜

半達天闕午門朝開赤捧來一片淋漓飛紫血元老思將  
百口箝微臣自有渾身鐵臣雖瀝血未剖心此中耿耿向  
誰說解組歸來闢小園自焚諫草不開門殿中補袞虛心  
事屏後牽裾只夢痕惟有故衣血未浣年年被服總君恩  
依然白髮思明主願把丹心教子孫我行曾到東溪宅舊  
篋雲初猶護惜可憐一搯物傳家不及魏徵笏三尺北闕  
傷心化寶衣西風有淚流銅狄衣冠髯魂歸來烈血千  
年不化碧

旱災行

徐文炳 廖伯

吁嗟乎天胡爲乎慘降此災荒田禾稿死人流亡有田千



江山縣志 卷之七  
三  
畝不滿百碩倉窮戶安得復有顆粒藏觀此景况迫中腸  
能無悲泣呼穹蒼歲今旃蒙協洽當前年兩度早羅秋  
穀歉收米價昂道殣彼此遙相望今春二麥喜登場耕氓  
鼓腹幸少康四月之杪雨沱滂乘水翻犁徧插秧繼以耘  
耔頗匆忙詎意從此日亢陽咒龍鼓角喧禱禳嗟哉旱魃  
太猖狂焦金爍石火織張罨罔煨乾龜坼長中間不乏小  
雨灑甘漿禾復抽青蘇焦黃無如烈火炙猶強歎陽暎暎  
生角芒再發三發起復僵枯莖雖有盡秕糠間有大江近  
水鄉桔槔梯上挂山梁其奈五里十里空皇皇涓流早已  
竭池塘及至秋分以後始得沛汪洋屈指已逾百有二十

之流光自四月下旬一雨閏五月可憐三時作苦脫袴裳  
六月閏六月七月俱不雨有秋失望空倉箱從此婦子泣嗶嗶剥榆掘草日不遑噫  
嘻日烏三足朝升翔山蛇四翼告不祥如此赤地遍村莊  
災黎何以度星霜安得救荒大力濟時方田能續命起瘵  
瘡積財積福試婉商活人行見後禩昌我作為歌寫悲傷  
拈毫墮落涕雙行

劉貞女歌

汗澳瞻百泉

死節差易生節難婦節女節猶兩般婦節箇因勉強致女  
節更由天性安卓哉閨秀劉氏女少歸予季擬待成鳳鸞  
豈未及合季病草呼女近前淚闌干未曾遺語含羞澀欲

前不前行蹒跚死而復蘇難目暝炯炯數向渠顏看日口  
稱恨聲啞啞恨月早缺光未圓自少喪母又喪父異母一  
弟憐未弁我死無子渠必嫁嫁得新夫來姍姍女時更不  
顧羞澀抱哭幾將身命拚許夫一言夫瞑目一馬豈肯施  
兩鞍捨地呼天聲嗚咽願同郎死同郎棺旁觀豈乏輕薄  
輩謂女年穉途曼曼詎知心腸如鐵石任爾世路多風湍  
孝事繼姑撫幼叔孤苦伶仃盡力殫家貧惟自勤紡績閨  
步從不踰門闌冬衣夏布常耐冷日食粗糲難飽餐歸甯  
母欲奪女志慰女願女胸襟寬謂未成婚春宜惜免得秋  
風傷彫殘母今已擇富家子食饜酒肉衣素紬女聞母言

心急切立立誓露膽還披肝此生願作汪門鬼心如古井無  
波瀾不顧天荒與地老不怕風冷并霜寒倘或中途有摧  
折願將心頭肉萬剗此心母既不見諒此地何可再盤桓  
瞥然不見別母去翻然疾似飛羽翰姑媳依依如母子叔  
更能承母嫂歡邇來叔子已承祧祠給餼餘人齊謹乃知  
此事關天性嶽可崩兮海可乾一意孤行日同赤百折不  
回心成丹從今夫族與母族無不激賞相嗟歎嗟乎豈  
惟夫族母族激賞相嗟歎

雙孝歌

王

鈺

原名  
書升

嵩里之山高且麗嵩里之水飛濤瀧篤生孝子孝婦成雙

雙解一孝子朱孝婦徐天作合兩美俱晝撰几杖夕進盤盂

同心協力不待招呼父母其順矣乎解二父病籲天願以身

代母盲侍寢衣不解帶二十餘年力弗少懈疇益其勞曰

惟厥配解三一朝風木厥考亡呼天捨地哭斷腸上念孀祖

母白首誰扶將聊復進饘粥以孫代父奉高堂千鈞重任

一身當解四有弟孱弱淚盈盈矣有妹幼穉啼嚶嚶矣無父

何怙難為兄矣男婚女嫁敢忘情矣解五孝婦年十七孝子

年十六母命完姻於焉成服雙雙長跪吞聲哭願母自愛

無太速解六祖母寡母以壽考終寢苦枕塊不有其躬三年

泣血高子之風解七喪盡哀祭盡禮送死養生事事畢矣父

母翁姑含笑於九泉孝子孝婦情猶靡已解八孝子乃夢夢

到洞府一勺天漿清入肺腑仙人致詞曰惟孝子是予解九

再夢伊何夢開閭閣晝燭雙行光輝如月天錫以高年金

牌挂瑤闕大書五更叟三字長不滅解十大吏書姓名具奏

聞解十一至尊天子詔曰可給帑旌其門解十二誰非人

婦誰非人子卓哉雙魂萬古不死解十二

我年八歲才讀書讀到孝經思有餘今年二十稽公事誰

謂古今人不如公家本住南山下奇氣名樓憶昔者公今

制行亦何奇過客到門盡下馬鍾毓應知崧嶽峙昔有忠

朱益原名履炳

江山集卷之十一  
臣今孝子孝子祇守舊家風爲湖繞壇濟其美天生至行  
必有偶內助有人操井臼竭力重慈兩心同孝乎惟孝傳  
人口感神由來本至誠五更叟賜啟金函更有香茗通別  
夢會將偕老謝塵凡昔年得睹公之貌今日思公徒好樂  
誰無父母誰非子願將此意天下教大吏久已欽姓名竟  
向 九重代陳情扁表巍峩來 北闕旌閭我里亦  
增榮古來富貴人震懾沒後名多掃落葉百世流芳獨有  
公愧我與公同譜牒

題江郎山人毛樂天墨竹圖歌

鄭瑞麟

毛公胸有千畝竹个个天成構在宿須臾滿紙烟雲生每

逢知已贈一幅憶昔畫竹有宗工東陽柳霖西湖珠手寫  
琅玕兼水石南山雷雨起蒼龍須江妙手亦可數墨竹先  
推崇典翁枝葉清勁原拔俗自古貴瘦不貴豐山人聰穎  
復傑出筆墨崛強與之敵靜觀疑入淇園游幅幅箬篔簹  
四壁或如春氣弄青葱煙雨萬竿瀟湘中或如盛夏烈日  
烘十指拂拂引薰風時而叢篁倚怪石澹澹行雲月當空  
時而折枝似有聲積雪千丈透玲瓏虛心自宜友松栢翠  
葉曾經棲鸞鳳天下名畫總如林誰與山人相伯仲生平  
偃蹇歎遭逢此畫終爲人珍重

菊花石歌

劉佳

嘉慶七年邑峽口村山石夜裂中有菊花紋甚肖鄒鑒亭司馬先生巽置署齋屬賦此詩

五丁夜剗蛟龍穴墮地雷聲崖石裂玉盤開出黃金花鬼  
斧神王妙鑄鍊山靈毋乃屈靈均自愛秋菊餐落英地荒  
天老化為石芒角突向胸中生又疑柴桑老酒客采菊歸  
來卧醉石此花亦願附石交刻骨鏤心永不泐若使置向  
米顛袖中比皺瘦便是先生新製石華袖不然持比壺中  
小九華不數十丈青蓮花獨恨當年女媧補天何不將此  
石使與月桂露桃齊弄色却笑宋家花石網紛紛四出空  
猖狂我歌為公一沈吟天與此石非無心願公之節如彭  
澤願公之治如鬱林

蒼道士歌

前人

道士姓毛名蒼邑之清湖人以能書名余為之賦長歌

一丁字與兩石弓少年白馬真英雄鳶肩猿臂霹靂手射  
虎歸來夜被酒十指拂拂芒角生乘興一揮字如斗自此  
書家擅重名早將金幣動公卿橫刀氣健千夫懾草檄書  
成一座驚男兒意氣厭長揖掉頭歸卧湖邊宅黃冠羽服  
道人裝走向街頭人不識清湖之水何深深道人家在青  
山岑黑林老魅每相過白日哀後時一吟道人大笑驢鞭  
墮我學神仙且遊戲青天為絹湖為池大書咄咄真怪事  
非儒非俠非空門寸管乃傲王侯尊至今零落百年後猶

有殘縑當子孫

義賑歌

劉侃

有儲者老癯獨無依有養者婦憔悴無歸有子者兒日以啼饑有殘疾者弗能作誰為撫之叶解蔡公惻然念此方

割丁壯能自食窮民烏活窮民弗活我心如烈叶解邑有義

士獎其出粟邑有正人俾察其鄉族月給二十日日有三

合叶解老人嘻嘻扶杖而來叶受米以歸是蒸是炊叶解

婦惻惻遣兒入城受米以歸倚戶笑迎叶解孤兒衣裂不笠

不鞮頭蓬脚垢逢人指說叶解殘疾委靡躓躓以起今此得

食將來不死叶解蔡公仁厚是我父母蔡公仁厚勝我父母

八解蔡公來矣我民飽矣蔡公去矣我民無告矣叶九解

峽口吹

前人

峽口吹潭中起晴久生風天欲雨雨久風生雨即止風所被處田稻豐是神所賜人無功安得此風吹處處麥頭雙穗禾無蟲

辛巳饑民歎

劉佳

去年盛夏天恒陽浙東八郡嗟奇荒斗米五百價日翔草根木皮皆充糧今年多雨麥又傷麥花未吐麥葉黃三月未種秧田秧嗚呼去年無禾猶尚可今年無麥饑殺我老農日日田頭坐仰天嗚咽淚交墮我語農人汝勿哭君王

心似光明燭許開官倉貸官粟贖牛租具插新禾且忍饑  
腸待秋熟

秋賽

前人

廣場日斜喧社鼓人聲爆聲沸如雨彩旗縛竹兒童趨神  
之來兮靈輿舞女巫喃喃擲筮卜尊中有酒俎有肉今年  
住溪南明年往村北去年無雨禾盡枯今年雨足麥大熟  
神既醉止為汝福願汝營高倉願汝起大屋昇平有象觀  
於鄉莫道從來與國狂

觀校射

前人

縣官高坐冠崔嵬廣場秋碧天四垂豪猪之鞞短後衣是  
何年少豐容儀腰間約束白羽箭調箬鉤弦手輕便弓聲  
過耳捷如風鏃光瞥眼驚飛電朱壻忽裂吏鳴鼓喝采千  
人萬人羨書生文弱誠無用毛錐頭白苦吟弄不能飛箭  
射天狼枉教落筆驚鳴鳳對此不覺神飛揚猿臂當年事  
可傷一丁何若弓兩石欲馳快馬追黃塵

牧牛曲

前人

夕陽一角下平楚牧童三五拍手舞但願四時青草肥牛  
育不生犢如虎短蘆作筵篠為鞭赤脚蓬頭亂踏煙隔水  
歸來不喚渡馱人牛背穩如船

猛虎行

前人

黃蒿蔽地綠箐密白日無光俛鬼泣虎目睽睽雙炬紅咆  
哮一聲作人立茅茨土壁三家村陰風颯颯吹黃昏欵然  
一虎挾籬入倒啣七尺烏喙豚磨牙礪吻咀復嚼血光漑  
灑飛草根爾虎何肥民何瘦至今居者常聲吞我有腰間  
白羽箭翎毛如雪鏃如電突從山坡匹馬來觀者竦立色  
皆戰帶血生擒雪夜驤飛身仰接雲端雁况爾區區安足  
敷赤手欲探萬穴徧吁嗟爾虎亦太癡會當食爾之肉寢  
爾皮

左公來

鄭恒年

左公來左公不來民命哀左公來左公一來天心回妖星  
千尾東境掃萬姓肉供虎狼飽任爾眈眈莫敢撻維公一  
來戈其倒來何暮一月呼天苦無路來何速萬人額手願  
尸祝滄桑劫換紅羊驚斯人一出爲蒼生吁嗟唐令公曾  
入古樂府誰歟繼者並千古公來賊仍東遁去見民如虎  
見公鼠

峽口至清湖道上感賦

前人

峽溪水來汨汨江郎山雄屹屹山明水秀靈氣鬱兵燹莫  
解居民急長街十字填車溢曩日繁華頓蕭瑟瓦礫成邱  
草沒滕道旁骹髑空掩掘破廟荒涼蛩唧唧傷心更有斷  
頭佛



禱雨行

王鈺 蓼生

三伏驕陽猛如虎東阡西陌成焦土村農束手無如何共  
設零壇擊鼉鼓零壇鼓淵淵神巫執羽舞翩躚零壇鼓坎  
坎神巫吹角聲宛轉五里十里去迎龍科頭晞髮髮蓬鬆  
途中一陣甘霖普巫言吾村當得雨歸來四望天青青吁  
嗟巫兮術不靈

車水謠

前人

朝車水暮車水忍饑踏輪輪不起可憐昨日已無米解一非  
搏使過顛非激使在山自下而上上越過千里關吁嗟桔  
槔何時閒解二到田一勺水渾身一把汗汗乾仍復出水乾

空長歎解三斗柄移月正西繁星歷歷雞亂啼終宵輻輳枯  
槔動踏破千家萬家夢解四

水碓

前人

石圍牆茅編屋引溪流瀉巖瀑車一輪貫橫木水激之翻  
還覆杵與臼排五六朝與昏運機軸勢凌競聲擊觸如躍  
龍如翔鶴如兔起如虎撲駭犀騰饑鷹啄馬齧槽牛轉轂  
翻桔槔挽轆轤抑復揚起仍伏制何居代手足利何居春  
嘉穀昔先民智巧獨葦可抗箱可服矧稻梁果吾腹藉人  
功安能速鑿與精難遂欲我作詩紀實錄噲曹交空食粟

五言律詩

月夜溪莊訪舊

宋 柴望

山山明月路何處認梅花石室冷疑水溪流白是沙清吟  
幽客夢華髮故人家相見即歸去已應河漢斜

姜林居別業

嵇高山下

宋 柴元彪

結廬塵外境流水繞平田三徑故人菊一池君子蓮塔懸  
當戶月鐘翳隔溪煙自得平生趣漁竿老渭川

哭正節徐先生

宋 謝翱

淒涼攜子女冠佩赴重陰塌葬千年事青天此夜心哀辭  
山石刻卹典海舟沈里族南薰夢東都直至今

毛刺史姑茂高齋

汪浩志作贈毛達和

明 李攀龍 于鱗

武陵看花處一仲得相聞雨白聞天合山青越樹分書聲  
出秋瀑客夢過春雲府檄何年事猶餘猿鶴羣

明 吳維嶽 峻伯

喜君多道氣築室近清川萬境俱此徹一瓢嘗晏然雲霞  
開卷裏魚鳥弄琴前他日看花入相尋漁父船

須江道中

明 王思任 季重

百里皆盧橘三家亦水湄溪喧春自接屋險樹交支鳥語  
深林碎魚行淺瀨遲遊山不及老靈運許心知

過江山夜至候館東吳令亞父

明 林大輅

寒色前村暝荒林細雨長不辭山路滑真愧客旌忙澗響

縈新溜篁疎夾野塘旅愁誰爲遣南去近閩鄉  
役役歲華暮瀟瀟風雨寒迷途驚入夜候火度前灘舍館  
初留客村鐘欲罷餐南遷猶斗祿未敢厭艱難  
出門行數里閨寂已黃昏野靜飄丹葉天低下白雲風煙  
那免病巾舄未離羣獨念蘇司業龍憐鄭廣文

訪柴白巖留宿草堂

明 毛育魯 衍川

夙有通宵約看山到草廬黃花一徑入疎竹小窗虛榻下  
更寒後樽開月上初山人偏愛客誰謂與人疎  
國朝

舟過唐村

姜漢宗 沔水

離懷接九秋客子掉孤舟遠樹晴方見寒江淨不流人家  
臨白水吾興屬滄洲偶發垂綸想微風引棹謳

雙孝詩爲朱上舍尙聰夫婦作

海鹽 朱昌頤

至行高閭里斯人不可攀白頭雙老逝 丹詔九天頒

譜牒增光彩關河獨往還鮮民吾抱憾撫卷動慚顏

春遊王氏枕園

劉 侃

門巷無車馬行來別有天庭閒森立石逕曲遞鳴絃空翠  
生眉際歸雲落檻前招尋殊未已得趣且流連

渡清湖

前 人

十里城南路舟車此地紛虹橋收浙雨驛路入閩雲岸澗

村煙密秋深社鼓聞行人真轂擊客到坐斜曛

風門汎

前人

出郭朝曛暖風門散馬蹄夾山煙路小頽堞石城低壘舊  
餘荒草營開冷感聲從來隆盛日兵卒事耕犁

長山頭汎

前人

蒼翠金純下三峯壓我冠霜風愁鬢老荒堦成旌寒野暗  
催歸犢村冥罷晚餐吾生艱足力長路積悲酸

郊行書事

四首

祝敬棠 爽亭

散步郊原外行行到古村黃茆編作屋白板削爲門破杵  
聲聲急兒童處處喧義皇今已邈風景幸猶存

禾稼登場後桑榆葉半乾霜威摧鴨脚風色老雞冠打鼓

迎田祖輸糧赴縣官閒來無別事臨水更投竿

半畝蔬畦窄編籬鹿眼勻芥孫纔拆甲薑子已含辛抱甕

渾忘瘁揮鋤未厭貧御冬饒旨蓄沾酒待鄰人

落日千山暮炊烟比户生老翁驅犢返稚子倚門迎犬吠

林逾靜鴉歸樹有聲客心愁景晚回首望江城

官溪春興

楊奏瑟

楊柳東西岸桃花裏外村板橋春雨滑茅屋午雞喧地僻  
無車馬風醞長子孫勝遊吾已徧此是武陵源

懷楊響泉先生

劉侃

突兀騷壇主高名四十年一衿催白髮萬事入吟篇墓草  
方經宿神珠已出淵詩魂應慰甚含笑向重泉

山居

徐恕 可亭

結廬泉石畔歲晚愛幽栖滌慮茶勝酒司農鳥代雞日光  
臨檻薄霜氣壓檐低傷蠹憐寒菜青黃色不齊

題王南陔中丞空山破寺殘詩感舊圖用朱文正公

廣福寺題壁韻

朱履升 春埜

幽篁藏古寺門外萬竿青櫺破風生牖檐空瀑挂瓴上方  
沾法雨初地駐文星想像泥中爪飛鴻幾度經

郎峯三片赤古壁一燈青修到丹成鼎詞高屋建瓴壘甃

聯昔日歲月感流星文字空山壽昆明劫可經

太傅風流在精神照汗青名章輝黼黻眾響集盆瓴筆潤

疑垂露堂虛想聚星山門留法寶永護梵王經

王鈺

騎鯨人已去山色為誰青寺繞千竿竹烟飛百尺瓴輪蹄

銷白日故老賸晨星贏得家鄉近參禪幾度經

師生傳智慧認得一燈青人已鴻留爪山如屋建瓴詩賡

坡穎句光射斗牛星讀罷增惆悵當年使節經

石磴千盤古烟鬢四面青山深誰放鶴濤吼欲翻瓴索句

逢今雨籠紗記客星老僧閒自在一卷誦心經

題楊響泉詩鈔

前人

罷奏長楊賦歸來琢句工詩兼唐盛晚名噪浙西東梨棗  
聞鐫板輶軒記采風吟魂應慰甚莫更怨奇窮

遊柴東山故第

錢唐 王寶華

良將誰能匹功高百戰多君恩無過此臣節敢言他富貴  
真如夢動名久不磨門庭瞻冷落往事慨當歌

七言律詩

哭趙思旦

宋趙 抃 閱道

五月炎方稜氣浮賊鋒殘忍入康州肯拋孤壘偷生去誓  
禦羣蠻竟死留沒世不名賢者恥長年為辱古人羞嗟嗟

潘叔今何在憤血忠魂勁草休

答周循州

宋蘇 軾

蔬飯藜牀破衲衣掃除習氣不吟詩前生自是盧行者後  
學過呼韓退之未敢叩門求夜話時叨送米續晨炊知君  
清俸難多輟且覓黃精與療饑

次韻惠循二守相會

方子容 周文之

蘇 軾

共惜相從一寸陰酒杯雖淺意殊深且同月下三人飲莫  
作天涯萬里心東嶺近開松菊徑南堂初絕斧斤音知君  
善頌如張老猶望攜壺更一臨

又次韻二守許過新居

蘇 軾

數畝蓬蒿古縣陰，曉窗清快夜堂深。也知卜築非真宅，聊欲跣趺看此心。聞道攜壺問奇字，更宜登木助微音。相娛北戶江千頃，直下都無地可臨。

又次韻二守同訪新居

蘇軾

此生真欲老牆陰，却掃都忘歲月深。拔薤已觀賢守政，折蔬聊慰故人心。風流賀監常吳語，憔悴鍾儀獨楚音。治狀兩邦俱第一，潁川歸去肯重臨。

循守臨行出小鬟復用前韻

蘇軾

學語雛鸞在柳陰，臨行呼出翠帷深。通家不隔同年面，自註文之與南得路方知異日心。趁著春衫游上苑，要求國

圭令弟同年手教新音嶺梅不用催歸騎，截燈須防舊所臨。公自註文之嘗作詔

寄毛達可內翰并錄送魏公別錄

宋李綱

迂愚聊復隱清時，幽事相關只有知。滿地落花看鶴舞，一軒春雨對僧碁。閒中日月真消得，物外烟霞漸可期。坐致時康賴公等，不須深遁採商芝。

至日題江山驛

宋黃公度

客裏萍蓬媿此身，天涯風俗對茲辰。雲容山意商量雪，梅蕾葭灰漏洩春。歲晚旅懷元自惡，夜長歸夢爲誰頻。遙憐兒女團欒處，應念江山飄泊人。

送剛中兄之官山陰

宋柴元彪

江山縣志 卷之二  
爲愛鵝池可襖蘭榻來松下駐吟鞍一家兄弟皆臺憲兩  
世翁孫此縣官風度潮聲來海口雁將秋色下長安白雲  
凝仁山陰近笑策潘輿奉母歡

饒吉甫弟之維揚別駕

柴元彪

風檣留燕暮呢喃行李催人春又三幕府來迎晁別駕油  
幢曾識李淮南江都今古英雄會宇宙中間化育參見說  
監州簪芍藥早乘華步趨朝駿

秋日江郎道中

柴元彪

豆花疎雨浥輕埃野店新涼入酒杯草帶斷煙棲古道梅  
含珠靄翳荒臺湖光隱見萍分合山色有無雲去來滿眼

秋光無老意三峯萬古碧崔嵬

送監丞弟元亨參江陵閫

宋 柴 望

北虜纔聞郭子儀上流決有退師期諸公但醜臨江酒老  
子祗圍別墅棋露布夜傳誅韃韃蠟丸便遞破符離書生  
已辦平淮表先寄鶴鶴原上詩

和通判弟隨亨書感韻

柴 望

風沙萬里夢堪驚地老天荒只此情世上但知王蠋義人  
間惟有伯夷清堂前舊燕歸何處花外啼鶉月幾更莫話  
淒涼當日事劍歌淚盡血霑纓

中秋待月用弟察推元彪韻

柴 望



待月高樓月不明百年虛負此宵情浮陰亂向空中起圓  
影偏從塞外清江國瀟瀟淒淒露氣山城處處動笳聲何人  
獨抱琵琶坐淚滴冰絃暗恨生

絕命詩

宋徐琦

每說天兵出守疆忽聞勁敵犯睢陽火焚郡邑人民苦血  
染江淮鬼物傷忠報君恩名不朽孝隨親死義難忘皇天  
后土宜知鑒白日英魂照劍光

宋徐崧

成仁取義在於斯一死君恩報未遲杲日當空存正氣狂  
瀾砥柱起常彝孔明未復中原鼎鵬舉空舉二帝旂可恨  
奸回移宋祚闔門厲鬼泣秦師

宋徐元娘

毓秀含華十六齡慈幃口授十三經奇文不欲撐天地大  
節偏教揭日星何姓移劉亡漢室誰人復楚乞秦廷願從  
一死明忠孝碧血應留萬古青

弱質原歸玉女峯家亡國破恨重重椿萱已遂抒忠願昆  
弟先教殉難從熱血千年啼杜宇寒泉三尺照芙蓉堪憐  
宮院齋收比忍聽天朝長樂鐘

太學同舍徐應鑣誓義沈井後十年眾爲營墓立碑

私謚正節先生

宋林德暘

高名不與魄俱沈魚腹孤忠耿至今翠碣已書身後謚寒泉猶照死時心神遊舊月山河改夢斷疎槐風雨深埋骨誓終從武穆樓霞嶺樹隔秋陰

題苔衣集

元 蘇幼安

魯港鉦聲耳不聞歸田幸得息紛紜杜陵詩苦因憂國賈誼書深極愛君運厄丙丁知定數天開南北驗斯文孤墳不瘞英雄氣化作長空五色雲

過江山縣

元 貢師泰

萬山深處開孤縣下馬入門風滿庭雨脚遠垂松澗白雲陰低護稻田青已知賣劍人歸楚還憶彈琴客在亭喜見寰區多卓魯最善時復到虞廷

挽太學正節先生徐應鑣

元 何夢桂

國破君亡一死宜絕憐兒女死如飴龍池竟負媯皇誓蛙坎空遺烈士悲洗骨不汚唐六館瀝心無愧趙孤兒北行多少生還客休向梯雲讀墓碑

哭叔德載

明 柴世良

弱冠登朝八九年堅如金石直如弦西樓十策忠何在南海三遷跡可憐賈誼名垂千載後禰衡骨葬大江邊固知人百身難贖含涕長揮楚些篇

送劉朝信之官江山

明 何景明

江山縣中山木蒼颯颯風林開濂章嶺石細通閩鳥道澗  
流斜帶楚人鄉青天岸幘時行擊白日彈琴不下堂同學  
共知年少志豈將書劍負行藏

宿江郎山館

明 朱應登

江郎二月點莓苔白霧黃雲慘不開石碓昏春知水長布  
帆初飽覺風來旗亭喚客春嘗酒驛路懷人曉見梅世味  
已諧灘百轉山行明日又千迴

恭弔忠懿夫人

明 王守仁

夫人興廢蚤知幾堪歎山河已莫支夜月星精歸北斗秋  
風環珮落西池仲連蹈海心偏壯德曜投山隱未遲千古  
有誰長不死可憐羞殺宋南兒

弔徐先生一門殉節

明 海 瑞

三輔烽烟接帝京背城一戰尙縱橫時文天祥請背城一戰陳宜中不許  
酬士死黃金散公悉散家財募死士勤王身報君恩白骨輕北極銅駝  
春草沒西風畫鷁夜潮傾後帝昺颶風大發舟覆於海闔門就義尋常  
事遺恨猶聞鼓角聲

寄贈徐東溪觀察

明 柴惟道

東溪徐公秉文河洛按節荆衡闡程氏之緒言繼  
羊公之偉績聲實上聞帝心簡在載投貴陽總憲  
龍場舊蹟實陽明夫子過化地也邇哲人之流風  
簞皇澤於邊徼不在茲行乎因風染翰聊用寄懷  
昔年畫舸下神京萬里迢迢共月明不厭驅馳緣聖世從

知出處慰蒼生揚旌洛下春風動訪古湘皋杜若清山水  
幽光應煥發却便到處洗心靈

荆楚觀風渺未回貴陽新命日邊來殊方共是皇王土屏  
翰須看經畧才青草湖光天浩濶赤溪山色路崔巍經行  
更訪龍場跡還有碑銘映綠苔

弔徐先生一門殉節

明董其昌

何處悲風動鐵冠銷魂猶記舊長安一泓泉湧孤臣淚萬  
疊峯迴古廟寒光嶽氣分無國士斗山人望有儒官昏鴉  
老樹空亭裏回首冬青掩面看

自仙霞關至楓嶺

明張貴

仙霞高嶺萬峯巔百丈丹梯鳥道懸太息無諸憑絕隘那  
教漢使下樓船空山啼鴉穿林出野店鶯花向晚妍瘴癘  
久恬烽火息閒登石頂酌清泉

國朝

曉晴發清湖鎮舟中望江郎山

查慎行

碓砵石瀨響泠泠愛入歸人舊耳聽岸草綠痕移蟋蟀水  
花紅影帶蜻蜓樵爭曉市秋初寄風轉荒灣權一停雲霧  
不遮南望眼三峯回首逼天青

度仙霞關題天雨庵壁

查慎行

虎嘯猿啼萬壑哀北風吹雨過山來人從井底盤旋上

下嶺

有龍井天向關門豁達開地險昔曾資劇賊時平誰敢說雄才一茶好領閒僧意知是芒屨到幾回

自長安返止清湖是為須江盡處明日便發霞嶺

周亮工

萬灘騰擲眾山斜竊渺江流亦有涯小憇乍如方出嶺頻來直似倦還家五株欲種門前柳千樹空題觀裏花莫憶勞勞亭下月送人風雨度仙霞

夫子榮任江山詩以送別

閨秀 左如芬

分符恰喜近龍游一路棠陰舊澤留單騎之官隨小力阻兵無計借前籌未能簫鼓攜家室遙睇湖山作寓樓錯節

可知須利器好憑雙劍落旄頭

先翁起家龍游令

案左字信芳號龍眠女史左忠毅公女孫姚文熊非庵氏妻見續芷閣遺稿姚任事年分無考舊志亦缺載

送鍾靜遠之江山

吳之振

西疇學圃歎年窮夜驗星河日驗虹秔稻芒垂黃雀雨芙蓉花老鯉魚風較量身事嗟余晚約畧心期與子同安得招他查十八酒邊按拍對羞紅

雙孝詩為朱上舍尙聰夫婦作

錢塘 費履升

採入輜軒盛事傳詞新黃絹紀銀編日斜西樹飛鳥曲笙譜南陔藝黍篇孺慕由來成大孝人倫罕見此雙賢紫陽自是家風舊輝映前光史乘鐫

徐文炳

躬耕仰見古風淳至行原來出性真能聚一庭和氣樂兼  
扶兩代病人身承歡合奏姑恩曲勤職常憇子舍春只此  
倡隨無懈忘雙旌不媿勒珉新

賑饑紀事詩

王恩詔 金門

道光十五年吾邑亢旱饑民載道色侯馮公詳請  
賑卹延紳士等董理凡八閱月事竣感賦四章

梓里頻年慶歲豐那堪厄運到旃蒙歲在乙未陽侯肆虐波濤

險前年水災城不沒者三版早魃為災杼柚空月紀黃楊知數極是年閏六月

月野無青草識民窮米珠市價如潮湧斗米錢八百忍聽哀鳴

集澤鴻

鄉村禾黍盡蕭條極目郊原似火燎萬竈炊烟寒欲斷四  
民生計淡無聊有書空乞顏公米無路堪吹伍相簫太息  
天災恒代有不圖今歲值元枵

大吏心存保赤誠發棠重請為蒼生場開廣厦依蕭寺設局

城中海會寺士集彼都仗老成乞糴鄰封思濟眾往江西各路買米救

荒善策做常平各鄉設平糶廠蹄涔何異甘霖沛萬口歡呼起頌

聲

戶口丁男簿籍操災黎白屋免逋逃先立丁口冊計口給米饋貧糧

可持三日每口給三日糧週而復始輸粟舟應集萬艘富室指困同營

肅各處勸捐穀米通衢施食有黔敖沿途有施粥者梓桑情誼原

須篤慚愧當途四字褒

事畢蒙大憲獎給  
誼篤梓桑匾額

漫興

黃鰲 六亭

老我無心慕縮紳肯將書劍伴風塵滿頭白髮須臾事一  
榻青氈四十春無俗可醫便為樂有兒能讀未嫌貧閒來  
寄傲南窓下宛是羲皇以上人

簡鄭修軒太守

劉侃

解組歸來三十秋夜郎城郭憶邊州一麾遠極牂牁路五  
馬閒尋太白樓自許臣身堪報國誰知壯志竟浮漚從  
茲林下投閒後風雨江陽老醉侯

輓黃石菴總戎 大謀

劉侃

身作長城二十年一方專闡肅兵權牙旗寒捲千嶽雪鐵  
馬晴塵五嶺烟 前任温州上年 垂老功名直矍鑠還家痼

疾尚林泉風流端合稱儒將妙墨相看萬紙傳 公善書

擬高季迪梅花詩

楊奏瑟

天桃穠李作輿臺獨伴孤松瘦竹栽抱有芳心驚歲晚從  
無俗客向山來蕭疎影瀉寒潭月冷淡香籠碧澗苔為報  
人間春信早一枝破臘最先開

不着鉛華半點痕天然玉質抱香溫雪明野岸高低樹家  
在湖山裏外村蘿幄巖扃寒徹骨微雲淡月黯消魂阿誰  
冒凍遙相訪得得騎驢出市門

鐵榦槎枿已絕塵纖纖素蘂更宜人老蒼自帶風霜古特  
立能開天地春野店江亭迷月淡斷橋流水瀉香頻似言  
似笑情何極只恐徐熙畫未真

會記羅浮與共依天寒翠袖溢清暉一盃酒向冰魂酌十  
里香隨月影飛雅淡靚粧誰貌得淒涼荒徑客來稀平生  
為爾牽幽興踏遍瓊林暮未歸

春日感懷

四首宰高  
密時作

朱晉堯裳

退食剛聞臘鼓聲黃羊修祀最關情春因地僻常遲到吏  
與民安不立名百丈崖曾觀海濶十年泉憶在山清平林  
幾處濃陰暮羨爾遷喬出谷鶯

酷風難得此邦人古樸衣冠總率真治簡思刑律志心  
慈又現宰官身三春景物留生意五載風波証夙因善政  
無多惟便俗累他父老說津津

經綸壯志已蹉跎學製人還使尹何新歲征鞍衝暮雪頻  
年鄉夢阻春波民良翻覺催科易用儉常憂負債多權理  
偏隅期報稱敢誇井里起謳歌

生平戚戚果何為琴韻消沉莫更悲君有歸緣親一訣我  
無他友比相知課孫草績遠遊草薄宦時逢避債時兩地  
襟懷書不盡相酬短律笑吟癡

山村雜咏

童起元蓮史



江山集卷之二  
遲遲日色映窗紗暖意如今次第加野老蕨拳供午飯小  
姑葱指摘新椽春雲無碓牛旋磨種樹成林鳥住家富貴  
十年憑領取莫因食芋歎生涯

拾翠山邊復水邊喚將桃李作同年石橫儘有摩藤壁溪  
小惟堪泛芥船俗說荒唐談傳志田家快樂賽神仙千金  
聲價須憐愛慎此寒溫不定天

絕頂登臨拍手歌折松作杖下巖阿誰家飼鴨將萍掠到  
處祈蠶得繭多樵雜花枝都上市泉流竹筧不生波可憐  
古寺牆邊佛埋沒塵埃跡已磨

留春不住送春歸寂寞芳園綠已肥花瓣忽經紅雨墜  
煙都化白雲飛衫纔蔽膝難從俗屋盡打頭半掩扉桑上  
女郎年十五養蠶預作嫁時衣

疊螺倏忽被雲封遮却青蒼一萬重嘈雜人家春賭酒荒  
涼野寺暮無鐘青叢古徑休談虎紫氣深山合卧龍冷巷  
犬嗥真似豹門前過客且從容

搜索枯腸已九迴燈前得句費心裁風聲雜樹叢中出月  
色重巒缺處來老蛤初更頻吠鼓早蚊二月已成雷故園  
尺素無消息鎖住愁眉不肯開

送汪澹園邑侯

三水 崔廷傑

一到棠陰話別天多君單父久鳴絃風清雉陌同三異雪

印鴻泥共六年舊雨曾偕甘雨集福星且合德星懸仁人自古常遺愛劉寵臨歧又選錢

年年種樹又栽花記得成陰徧柳衙別我春風無地主送君明月到天涯文章共見題黃絹姓字還留護碧紗此日迷津應問渡門前桃李屬誰家

三水 郭四維

琴堂絳帳仰高懸身荷培栽已有年春暖坐風欣得意冬深立雪反無緣門多桃李清陰滿心似松筠晚節堅此日攀轅情更切屏山汎水兩茫然

三水 馬鳴鑾

虛堂靜坐鏡高懸浩曠胸中別有天祇飲三泉一勺水不  
需百姓半文錢清風此去盈雙袖明月歸來載滿船遮道攀轅留不住寇君還願借三年

五言絕句

絕命詞

宋 徐應鑣

二男并一女隨我上梯雲烈士甘焚死丹心照紫雲

舟入清湖三日抵江山卽事六首 明 林大輅

封日晴沙渺津雲晚樹重鷓鴣飛不劇漁艇暮相從  
道洲環淨渚高瀨起寒烟舟子招呼早驚魂倍黯然  
歲晚悲岑寂鄉書欲問誰幽花寒色遠目斷碧山涯

飄泊慚生理妻孥喜共歸故園松菊徑何日薜蘿衣  
古樹盤西澗近村人語疎僕人疑雨色移舸買谿魚  
雪意千峯寂湖光萬木寒一尊~~騷~~撥悶漁唱杳前灘  
國朝

雨過江郎街

查慎行

奇峯登五老秀嶺度雙姑好笑江郎石朝來却避吾  
雨滴松杉徑煙迷穉耜鄉秋山行處好何必識江郎

送汪澹園邑侯

三水蒲增科

聖道今如古宮牆舊復新鼓鐘隆祀典禮樂繼前人  
武邑絃歌重文翁泊化新至今來學者盡是讀書人

積倉功本舊減價政初新粟給多千碩恩全數萬人

播種幽風舊農桑勸課新我公今欲去繼此又何人

驅驅風猶古擒狼事獨新威能馴及物德已感乎人

七言絕句

江山道中

宋劉克莊

純綿未覺中年暖薄酒難禁二月寒可惜一溪桃李樹貪  
程不得過橋看

題須江驛詩

宋黃公度

歸來已負百花期間拂塵埃看舊時極目平蕪三十里鄉  
心惟有杜鵑知

江山道中蠶麥大熟

宋楊萬里

黃雲割露幾肩歸紫玉炊香一飯肥却破麥田秧晚稻未  
教水牯卧斜暉

新晴户户有歡顏曬繭攤絲立地乾却道縲車聲獨怨今  
年不及去年閒

寄外見詩話  
總龜

宋毛友龍妻

剪燭親封錦字書擬憑歸雁寄天隅經年未報干秦策不  
識如今舌在無

讀祝版公從二帝北行詩有感

明商輅

迫路吟詩寫隱衷奇情苦志有誰同靖康大難當年作勁

節從君惟祝公

報國精誠達上穹滿途血淚杜鵑紅從君萬里身漠北奇  
節天生名宦空

國朝

江山道中

湯可宗

鳥道纏綿古木叢連朝深入萬峯中仙霞閣上開襟坐一  
派溪聲響碧空

涉園八景

姜亨肇

日暖風柔水拍堤催耕春鳥傍人啼軟紅塵畔勞勞客何  
似南山老抱犁南野春耕

銀河西瀉玉輪東影落澄潭萬籟空試向平原高處望清  
光如洗入懷中 東皋朗月

誰解乘風作快遊參差怪石擁中流布帆此日真無恙荻  
鳥汀花送客舟 白渡征帆

三山壁立見奇峯凝眺蒼然黛色濃仙馭不歸應有意干  
秋幻出翠芙蓉 江郎遠碧

疊嶂橫空翠欲流風迴天籟響含秋倦來一枕遊仙夢夢  
覺松花落滿樓 牛嶺松濤

積冷風吹凍漸消雲根微露舊山腰零瓊碎玉增詩思遮  
莫騎驢問灞橋 鰲峯殘雪

匹練橫拖畫欲暝堦樓郭樹影亭亭虎頭縱有滄洲筆難  
寫迷離一派青 江城晚煙

歷亂漁舟古渡西明星點點落清溪滄浪一曲歌初罷垂  
釣寒江月未低 鹿溪漁火

清湖旅店題壁

王 揆

越溪東去水濛濛回首鄉關隔萬壘明日江郎山下過碧  
雲深處插芙蓉

述哀 二首

何 魯

九旬大母髮如絲哭到無聲分外悲路上行人腸也斷傷  
心不獨是孤兒

寸陰勸我惜餘曛  
辜負劬勞廿載恩  
縱使成名能有日  
捷音未必夜臺聞

中元曲

劉佳

釘盤羅列篆煙霏  
畫像家家啟午扉  
剛是城隍神過後  
紙錢如蝶作團飛  
嶺月初升夜色涼  
秋聲一徑送啼螿  
最憐挽手嬌兒女  
繞巷沿門插路香  
野塚纍纍接短橋  
碧蕪極目總蕭條  
孤魂壇外淒涼月  
銜箔成山徹夜燒

中秋竹枝詞

劉佳

一炷盤香裊碧煙  
黃昏悄拜畫簾前  
不知今夕天邊月  
得似兒家餅樣圓  
燈花小朵綴銀荷  
薄醉妝臺掃黛蛾  
夜半敲門聽吉語  
願儂生子比瓜多

蠶詞

王吉士 申湖

神祠疊鼓鬧春晴  
處處祈蠶小婦情  
生怕神前人竊聽  
低頭暗祝一聲聲  
坐到更闌雞唱初  
猶聞軋軋響縑車  
一簾拂動紅燈影  
妾自抽絲郎讀書

田家詞

朱益 香史

商量布穀趁新晴東作田功次第行九九寒消春漸暖百  
花深處鳥催耕

肩犁人傍柳陰過一片斜陽萬縷拖却好今年祈穀早安  
排雨笠又煙蓑

一水彎環路轉又溪南溪花幾人家牧童小隊騎牛背杏  
雨村中飯落花

須江竹枝詞

鄭瑞麟

刻翠塗朱彩色嘉斑斕如錦復如霞堂前果有春常在也  
抵琪園富貴花

爆竹聲聲起翠煙兒童誇說霸王鞭近來新製還奇巧平  
地一雷飛上天

兩兩三三排馬頭花冠玉貌逞風流紅牙一拍歌聲起袖  
領爭誇謝素秋

鄭恒年

魚龍雜遝萬花迷臺閣裝陳百戲奇聽說鳳林燈最好算  
來又屆十年期

大麥黃時嫩稈擎扇兒打幘女工精荳棚閒坐談新戲月  
自團圍風自清

採桑詞

王鈺

東家女兒催曉妝西家女兒呼採桑何處採桑桑葉好大

江山縣志 卷之十一  
家結伴同商量

憶昨採桑桑葉少蠶饑滿箔結成團拚農枵腹出門去不採桑歸不早餐

梯倚牆頭旭照紅憐他一樹葉青葱攀條不上最高頂怕有行人偷看儂

去年採桑儂十四今年採桑儂十五桑條却比去年長未識儂身長幾許

書江山志愛吟後

榮第及亭

琴鶴攜來未幾時鰲峯鹿水繫人思此行竟把初心負怕讀諸君餞別詩

一曲文溪活水來延英閣尙待重開門前多少新桃李付與劉郎著意栽

離亭躑躅又城隅雲樹蒼茫入望俱最是不堪回首處雙塔影尙模糊

不容藏拙逐居鳩到處營巢亦自由底事清風偏笑我好詩也尙袖中收

驪歌唱處等弦歌雨點還輪淚點多清酒百杯詩一卷者番爭奈不廉何

何須長物艷歸裝志愛吟成卽召棠一字一縑酬不盡况無佳句貯奚囊



賦

江郎書院賦

趙 鐘

維時三峯矗立四壁橫空崑峩形勢礪魄情衷萬古不磨  
出沒白雲之外千秋常在參差碧落之中羅列滿胸星斗  
離披兩袖雲風形如圖畫之屏橫排江左勢似飛來之石  
巧置浙東山高騎石路逼霞關林圍若幄岫擁如環鐘鼓  
洞間清風介旦虎跑泉裏薄霧繞鬢跨鶴羽衣曾向奕棋  
而至歸真高士常從負笈而還斑駁滿崖蘿薜清幽一路  
雲山厥惟祝公遯迹江郎抒寫幽憤蕭疎茅屋堆萬卷之  
經書黯淡心情拋六朝之金粉是誰伴我友愛蟄松何似

抒懷花栽木樅從此逝矣傷心虞夏已遙盍歸乎而會見

風雲日近不競詞苑文豪聊作雲巖小隱爰有月朗江郎  
尋父巖岫攀躋造成書院安父孤悽五老峯頭不添蕭瑟  
三生石上儘可品題闢地盤於嶺北建高屢於巖西瓦屋  
層層千重鱗鬣闌干曲曲萬丈虹霓蓬華新成占斷江郎  
之勝茅齋小構安排處士之棲爾乃面面凌空般般突兀  
坐對三峯環圍萬笏當山罅石缺之際佈置隨人在魏晉  
漢宋之間流風未歇四圍蔚藍環中之檐角遙飛一抹丹  
青象外之峯頭蓬勃樹有色而皆鮮花無香而不發出來  
名蹟多繫奇人最是清華常餘蘿月乘興遨遊隨行策杖

紅日天邊白雲嶺上來卽實歸去定虛往山中添落葉之  
聲月下送敲門之響碧雲一片思出岫以初飛綠樹千重  
欲歸山而設想檻外煙痕匝匝月照山清庭前花影參差  
風過雲朗而乃篤志讀書經文討論狂吟則禽鳥能聞得  
句則鬼神持券文章假我咸入鈞陶山水奇逢頓成素願  
向淵明以問訊便覺心虛望嵩岳以追尋須憑脚健猿嘯  
怡情鶴鳴消怨八叉句就敏念庭筠七步詩成才思子建  
於是終日咏吟平居嘯傲學問既深精神能到望雲歸里  
仍跨吟驢讀雪閒居常籠破帽臨軒制草正銀河放棹之  
時據案吟詩卽仙侶同心之導砥礪是端鬼神來告文昌  
坐子弟之宮衣鉢受家庭之誥有不簪纓濟濟跨鰲仙子  
爲大成書香綿綿竹馬兒童俱有造也哉

江郎山賦

新安 汪 焯

巍巍乎巖哉江郎之山萬仞高拔陸地而依青天下根屬  
鰲足上與浮雲連品相峙而鼎立劇不識其幾經萬千年  
翳或造化之先鬼斧所闢崇崕嶇嶇嶽嶽嶺嶺落昌黎無自  
緣其巔五丁無所施其鑿挹彩眩目仰高驚魄蓋自衡陽  
之南脈盤五嶺而迤北左拂武彞右敞羣巒憇乎僊霞走  
夫林厯將赴三吳而滙兩淞特立此崔嵬之巨石地關徐  
至野分婺女華表三衢磅礴千里爛柯懷玉其左肱雁宕

天台其右旅錢唐東海其所肆之筵金華四明其所憑之  
凡東甌特其左沙南閩皆其餘氣緬維此山江雉所宅昆  
第三人登而化石日月晶華歲增月益是用有神陟降帝  
側呼吸風雲呵護社稷爰及大梁載錫嘉名封爲石王代  
禪世換人移物易巖岫不改茲山如昔未幾爾祝東山之  
遊屐倏來乎江丈人之嬌客蓋斯山之鬱秀實絕塵而超  
俗盼眄中天呼吸太白是以煙霞之交午屢召高人之栖  
息其上則奇岳崩劣大谷豁衍峰迴嶙峋路抱狹斜遠矚  
千山俛瞰萬家書覽雲物應接不暇禽鳥翔其巔風雨蒸  
其下北聳塔峰南塹深壑翠壁丹崖鳥磴麋磔一下數千  
仞各崢嶸而鬪角乃若窟隱龍潭泉流虎跑瀟沸滌洞礫  
訇渺森懸崖直漏奔湍亂叫雪浪飛於山阿泉聲咽於樹  
杪清如伯子之琴泐若蘇門之嘯至其絕壁互天嵌巖無  
路樹擁雲封更穿石罅曲躬徑入側足舉步則見夫上廣  
下亦嵌空如陸擘天光於一線攬青雲而竟渡出入乎三  
石之間盤迴者二十餘里若乃引聲一呼飄來天風蹙然  
有音如出谷中投石擲之響于層空左應鞀鼓右應特鐘  
噌吰鏗鎔田田鑿鑿及夫回目仰矚丹麗如畫凹凹凸凸  
如狗如馬塚塚堆堆或大或小變幻陸離不知多少依若  
虎頭之癡幾費李斯之巧物產之異絕俗離羣文鯉躍於

江山集志 卷之十一  
峯巔玉桂芳乎三春香攀枯栢之枝蒼剪驚雷之萊檀麝  
之貴失其氛氳陽羨之品遜其佳絕芝草九莖松箴七葉  
北岫黃精南山赤橘益壽延齡適口充食林禽朝嘲水鳥  
夜啜珍禽奇畜不可殫述爾乃架僧寮於半岫置書屋於  
高岡掩映朝輝徘徊夕陽山煙林氣鬱乎蒼蒼莖卉春華  
薰風夏揚空林待月松栢凌霜極娛遊以豁目騁予生之  
徜徉盼高山其仰止悵斯人之安往訪祝氏之遺賢獨爽  
然而伫望巍巍乎巖哉江郎之山也其高不可攀陡然直  
下上大下小安得奮身登其上排閭闔入天關數二曜之  
星躔瞰塵寰之渺杳憾羽翼其未生曷禁予懷之悄悄

國朝

文廟秋奠賦

康熙辛卯

會稽

王汝為

志宜

猗歟我

朝受命鞏固

聖教誕敷崇文靖武會道統之源流盛辟雍之鐘鼓三舍

萃其衣冠

九重躬爲怵舞乃者

翠輦時巡省方所及道三吳歷兩浙告河成臨禹穴爰較

藝於西湖用采風於南國增黌塾之恒規廣棘闈之

定額自是而羅刹江邊武林山側邊徼巖疆徧陬下

江山系志

卷之十一

藝文

詩賦

七

邑莫不家聞絃誦之聲戶啟黨庠之色矣乃有遷自  
禮賢夙名儒雅崇善街前太平里下西山爽氣獨占  
鰲頭北海搏風遙瞻鷗化環景星而影落高簷鞭騎  
石而峯迴大厦斯豈碑傳靈石徒招江氏之魂宅賸  
朱弓僅祀偃王之駕也耶則有地結千秋之社門窺  
數仞之牆表列騰蛟應山川之秀發樓成仰聖效宮  
殿之飛揚金鯽池迴魚龍爭奮碧蓮沼永芹藻均香  
堂陞餘古帝之風茅茨不剪宗廟具百官之富車服  
猶藏室因人而可邇德以遠而彌芳是用櫺星旣闢  
釋奠成儀千羽初臨作人無數六經獨註不登權相  
之庭五字陳言豈顧漕司之怒化石現尼山之象依  
稀夢感蒼龍文溪衍汶上之靈彷彿神垂湛露吉宜  
剛日肇啟離明序屬中秋每虞遲暮惟功令之有常  
庶明禋之弗誤維時白帝司晨金天獻瑞攬西疇之  
稊穗共効馨香誦七月之瓜苴俱當甘脆黑麻紅蕡  
攜來仁壽之鄉白雉烏鷄薦自文明之會關聯逐鹿  
熊豹分巒洞係覆螺魴鱧共鱸觀萬寶之告成較春  
祠而更備况乎分符主鬯濯來江漢之英秉鐸司香  
闡自陽明之境東階薦幣擬同宗國觀風西序陳牲  
原屬杏壇將命蓋自先河後海聿昭郡邑之官繼往

開來實起殷人之殿共傳圭瓚吐玉爲書載告犧尊  
夢楹致奠鳳林紅燭光分天上長庚仙嶺明霞瑞啟  
人間金鑑大祭方承雅歌間作雅坊羣彥持象勺而  
徘徊石鼓譽髦扣鐘箴而酬酢徹以俎豆之篇亂以  
逍遙之樂猶且多士周旋羣工踳躋當年遺愛曾留  
御史青驄此日詒謨爭識尙書繡履誰政成保障星  
樓振元武之聲誰節著冰霜金井獲冷香之譽或潛  
心有室還期啟沃成編或安定名山猶望風流繼緒  
以至謠懲新法青苗預絕其私詩補梯雲碧血共成  
其是固擬煙蘿作院無容鍊丹鼎之需海會成菴不  
俟共伊蒲之貯者也至若越國小儒烏衣未第十年  
負笈聊陪弟子之班兩載擔簦幸覩裸將之禮不煩  
鸞輅足歸乘馬於中林何事桑黓別慰飛鷗於下里  
於是暮而寢且而興誦進業感離羣留連射圃觀望  
戟門恍諸賢之戾止儼至聖之親承蓋莫不俊乎其  
有見而愾乎如有聞

清漾靈芝賦 有引

宋 俊

清漾靈芝者外史宋俊徇毛子兆鍊之請而爲之  
賦者也毛子世居清漾自宋暨明登仕版者五十  
餘人皆以功烈文章垂名史策辛卯歲毛子復舉

於鄉嘗爲余述其所居之後圃十餘年來紫芝盛  
發離奇變化雜出於長林豐草中余稔悉毛氏父  
子以行誼著聞於閭里一門取履肅肅離離按瑞  
命記以芝爲仁慈之應而王仲任亦曰芝本屬土  
氣和則生至葛稚川所引凡數十種皆延年益壽  
之徵毛子曰侍庭幃與諸季纘承家學則知植物  
效靈無非積中發外之明驗也因爲賦曰

有清漾之名區萃江陽之區族繁州陵侯之苗裔徙  
居於金純之大麓聳螺尖而峙鷲蓋兮自曜巖而蜿  
蜒於平陸縈松坪而映竹隴兮若筇篨之回環於車

璣水發源於十二之奇峯兮歷夾淙而滙爲鳴瀑度

練塘而束縑嶺兮峭崿與澄泓而倚伏維前修之大

有人兮遺構猶傳於書屋食祖德於三餘兮奠宗祊  
於九穀越百世而象賢蔚起兮甯慮夫奔蜂之化藿

蠋春露秋霜陟彼前岡蘅蕪濺綠穉穉凝黃曲徑繡

莓苔而留跡平池蠹齒蒼以飄香何灌莽之雜遝忽

熠熠其生光有榦有柎類謝家之寶樹不草不木異

馮氏之蠻薑或徑尺而扶疎於栝栢亦膚寸而俛仰

於篔簹三秀迭呈豈栽根於元圃九莖橫吐疑移種

於齋房於是園丁轉告牧豎羣嬉聊停弦誦暫憩芸

江山縣志 卷之二  
三  
芋牽蘿曳蔓顧而樂之按圖考牒厥號靈芝檢神農  
之緒論披爾雅之鴻辭說文足據神契無私在昔贊  
紀青龍現長平之紫氣亦有歲當神雀表涵德於銅  
池何圖朽壤乃覩靈奇方平旦而覲朝暉兮若重錦  
焜煌於黼黻更良宵而延皓月台似輕縠渲染於裡  
赭蝸涎疊篆鹿角分破直如搢笏圍蒼覆鼎鏡面平  
鋪翡翠刷銀塘而煥綵羅紋暗繡珊瑚抽鐵網以交  
枝巖尊無藉於丹黃泥封秘冊羽幟漫形其赤白電  
繞重幃笑桂蠹之紛拏何似赧飛螢火陋楓纒之儼  
蹇豈如暈罨蟻犀榆肉空乾眇矣猢猻之眼天花易  
萎嗚呼然龍蟒之縈狀連鼓而實垂珠洵茜園之未識  
感瑤光而服雲母詎菌閣之能窺爾乃小試鷓鴣橫  
翻烏扇緹幕宵張湘簾畫卷酌旨酒於巖阿聚落花  
爲莞簟召嘉客以來遊敕中厨而開讌寫生欲活茯  
苓圖鳥獸之形分韻徵詩讒鼎鑄蛟螭之面口哇而  
不敢長吟目眴而何暇置辨則有孤嶼梅仙潯陽菊  
友鮮米奴之千頭擷香王於兩手喜川嶽之呈祥羨  
遭逢之非偶躋彼公堂酌以大斗謂爾靈椿貽君堯  
韭纍纍若若他年聯玉笋之班濟濟踰踰此日卜金  
閨之秀吾聞感之神者應之奇出之多者培之厚人



生以積善為優造物以深藏為久惟澤媚與山輝見  
 堅貞而虛受縱隱顯之殊途斬令名於不朽間嘗過  
 地肺而入商山聞浩歌於茹芝之叟歌曰雲為蓋兮  
 繭以金疇其采之感予心碎五兵兮集百福宜爾子  
 孫食天祿芝兮芝兮猶在望江郎之北有清漾

詞

浣溪沙

寒食初晴  
東堂對酒

宋 毛滂

澤民

小雨初收蝶作團和風輕拂燕泥乾  
 秋千院落落花寒  
 莫對清尊追往事更催新火續餘歡  
 一春心結倚闌干

踏莎行

早春  
卽事

宋 毛滂

滂

塔影紅遲柳包黃遍纖雲弄日陰晴半  
 重簾不卷篆香橫  
 小花初破春叢淺 鳳繡猶重鴨爐長  
 暖屏山翠入江南  
 遠醉輕夢短枕閒欹綠窗窈窕光風轉

念奴嬌

山河

宋 柴望

望

登高回首歎山河勝國於今何有臺上金仙空已去零落  
 逋梅蘇柳雙塔飛雲六橋流水風景還依舊鳳笙龍管腸  
 斷何人重奏 聞道凝碧池邊宮槐葉落舞馬銜杯酒舊  
 恨春風吹不斷新恨重重還又燕子樓高樂昌鏡遠人比  
 花枝瘦傷情萬感啼血暗霑襟袖

摸魚兒

景定庚申會  
史君陳碧栢

宋 柴望

望

便無他杜鵑催去匆匆春事能幾看來不見春歸路飛絮  
 又隨流水留也是怎奈得東風紅紫還飄墜天涯萬里悵  
 燕子人家沈沈夜雨添得斷腸淚 嬉游事早覺相如倦  
 矣謝娘庭院猶記閒情已付孤鴻去依舊被鶯呼起誰料  
 理正乍暖還寒未是晴天氣無言自倚想舊日桃花而今  
 人面都是夢兒裏

踏莎行

戊寅秋懷  
錢塘舊游

宋 柴元彪

淡柳平蕪亂煙疏雨雁聲叫徹蘆花渚亭前落葉又西風  
 斷送離懷無着處 切切歸期盈盈尺素斷魂正在西興  
 渡滿船空載暮愁來潮頭一和推將去

如夢令

題畫

明 毛愷

玉岫平臨寒渚茅屋深窺瑤樹隔浦有漁舟借問酒家何  
 處歸去歸去休被梅花笑取

沁園春

東塾師白  
蓮河秀才

明 毛愷

越水儲精越山毓秀產箇英雄想春到蘭亭徘徊弔古秋  
 迴禹穴慷慨歌風萬里雲霄幾時騰踏百尺龍泉兩鬢蓬  
 風流甚把芳樽酌月彩筆搖紅 名馳兩浙西東又何必  
 神交夢寐中况粉署仙郎當年眼碧 王武部曾以  
蓮河相薦 黃堂太  
 守特地情鍾 蓮河時為季  
長沙高弟 壁立門牆光生桃李朔雪春風  
 一樣同區區願看後先師弟蚤晚夔龍

酌江月

追弔孝烈  
徐元娘

明 王世貞 元美

西湖明聖正鍾靈閨秀元娘尤絕作賦題詩皆僅事凜凜  
偏懷忠烈十六芳齡九天仙女未縮塵緣結生逢世變不  
堪回首家國 甘蹈烈火焚身銀瓶墮井卻從容完節粉  
墜香銷千載下尙見裁冰剪雪報國精忠酬親純孝都付  
真心潔我來恭弔一樽還酌江月

滿庭芳

宿太平寺  
贈余舟菴

鍾 定 承家

松徑迂迴草橋斜欹梵香飛徹中天卧雲衣冷虛籟趁流  
泉憶奏太平樂府歎咸淳古治依然山河異園廛風景舉  
目似當年 幽姿尋北郭尙重周禮猶剩高賢只愛招提  
境不爲逃禪夢覺疏鐘深省匆匆起檢點書編小童報東  
方未白窗影月光穿

國朝

如夢令

江郎街  
遇雨

宋 俊

林外嵐封煙聚遮斷行人休去冷翠撲征裘疑是江郎欲  
語無據無據三片石歸何處

偷聲木蘭花

清湖阻雪

宋 俊

同雲漠漠搏青壁峽口迴濤帆影急雪陣風開萬點梅花  
掠地來 燈搖紅焰和衣擁濁酒頻呼邀旅夢無那荒雞  
引得寒鴉兩岸啼

霜華

宿清湖  
旅店

金 煨

雪岫

披襟岸幘喜到浦停橈暫卸囊笈旅店淒涼籬舍版牀支  
隔屋角鼯鼠窺燈砌畔蛩蟬啼壁梁月白窗櫺紙穿淡影  
偷入 坐來不覺岑寂且手把香醪消磨此夕奈是夜長  
霜冷愈增愁戚忽聽亂唱鄰雞起看星稀天黑行半响纔  
逢江郎片石

瑞鶴仙

雲軸精  
舍遣懷

毛兆鍊

宣伯

幽齋容膝小正篆火香銷清晝院悄門掩無人到有紅蕖  
泛水翠篁凝照苔痕徑遠喚奚奴落英輕掃展牙籤倚几  
沈吟祇恐風塵易老 多少霜橋月館霧市煙津夢魂驚  
覺故園歸後重回首關河杳憶長安聽遍柳眠鶯嘒春色  
等閒過了漫書空獨步閒階壯懷成惱

江山縣志卷之十二

拾遺志一

荒煙蔓草見者懷思斷碣殘碑過焉增感是以商容之間當式柳下之壟宜封思古撫今有同慕焉他若異瑞偏災方言俚語事雖甚微羅而輯之亦所以廣聞見佐塵談也志拾遺

古蹟

武安縣治 證聖年割常山須江弋陽置以其地有武

安山故名

嘉靖浙江通志

太平寰宇記武安故城在龍游

縣天啟志引入江山古蹟汪浩志謂江山諸山無武

安之名今浙江通志亦引嘉靖志姑仍之宋成

禮賢縣治 宋咸淳間改江山為禮賢縣縣治即太平

寺天啟志案宋成綏志沿革門引九域志謂縣自

十三年遷今

江山土城 高尋二尺今不存惟濠水自景星門入環

縣治如帶天啟府志案汪浩志誤作

元江山軍營 在江山縣仙霞關宏治

明遠樓 在縣治內宋知縣程準建天啟

程準明遠樓詩擁清亭上一樓過占得江山萬象多  
帆帶暮雲歸別浦崖拖秋色落澄波天連尺五銀河  
挽月倍尋常玉鏡磨安用藩籬障吾目披襟千里快  
長歌首句疑有誤字

水星樓即天 在縣治東北與景星山對峙

故建樓高六丈餘中供真武像明知縣余一德建義

民鄭桃等捐貲重修桃之子亭賢復創置田若干畝

以給香火年久圯

國朝知縣朱彩重修汪浩

國朝何茹連登水星樓和壁間韻太乙樓高半接天望  
中須女舊山川溪流遠挾千峯雨暮靄遙連萬井煙  
古壁龍光騰劍氣上真法象耀星躔一聲清磬浮雲  
外仙梵依稀勝管絃

萬卷樓 在通和門外梅花聖明邑人鄭德徵建今廢

汪浩

奇氣樓 在長臺高齋山下案柴望建天啟

采柴望奇氣樓詩此齋全占崧高勝更盡樓前第一  
奇芳草碧連天水處數峯青斷暮煙時山川不逐陰  
晴換宇宙閑看歲月移琴已懶彈書懶讀一簾花影  
咏春遲

國朝毛元坤登奇氣樓故址詩萬峯秀氣到樓奇奇士  
居來定與宜航海二王無寸土歸田四隱有遺基曲  
江忠憤陳金鑑屈子悲歌寄楚詞手澤至今同劫燼  
獨留奇氣尚堪追

冷香亭 在縣治內明知縣方節愍召殉節處

國朝陳揚善冷香亭懷古詩耕底衣冠想像中冷香淡  
岩出晴空當軒牖有嚴城月繞砌猶傳素楚風須水  
幾人爭一死景星片碣紀孤忠敬亭麥飯誰賣到血  
逆秋山萬樹紅

周允協題冷香亭弔方公詩六字前驅擬岳侯後先  
正氣作同儔忠魂已逐唐王去長夢惟從高帝遊絕  
意求生明取舍無錢埋骨任沉浮當年冷落無人識  
千古英風井畔留

何茹連冷香亭弔節愍方公詩雄關鏖騎壓危疆遺  
老能言古戰場摩狄豈忘離黍恨懷沙空剩碧泉香  
江楓半染萋萋宏血庭樹猶思召伯棠何日西風持麥  
飯景星山下哭斜陽

清風亭 在縣治分司前府館內明正德七年同知孟

周建 宋成  
綏志

梯雲亭 在文明坊為入文溪書院之初階

皆水亭 在水中央文溪書院有小橋可通綠波紅葉

最宜銷夏

一葦亭 在航埠水次明毛元敬建 汪浩  
志

國朝周遐祚秋日登一葦亭離亭燕詞客裏光陰真驟  
風物又逢重九水色山光都不異只恨綠稀紅瘦乘  
興倚花欄已過授衣時候 遠浦未消迴溜催散鷺  
朋鷗友天末歸航偏歷歷數盡雲檣如繡慷慨一悲  
歌驚落霜華滿袖

始喜亭 在江山縣南面煙蘿洞宋嘉泰三年縣令黃

汝嘉名之浙江統志

江山奇觀亭 在江山縣治西西山邑人擇勝為亭宋

令黃汝嘉題匾明統志

一視亭 在南城知縣余一龍建今廢天啟志

青霄亭 縣北兔橋上知縣黃綸建今廢天啟志

松山亭 縣北柘橋上知縣黃綸建今廢天啟志

雙溪亭 縣北塔溪渡夾沙中知縣黃綸建今廢天啟志

華溪亭 縣東十里華清橋邊知縣黃綸建今廢天啟志

三望亭 縣西南二十里知縣黃綸建今廢天啟志

萃賢亭 在江山縣禮賢鎮邑人周穎建名勝志

采歐陽修萃賢亭詩君家富山水占勝作高亭坐聽溪流響能令醉客醒陽生羣木秀寒入亂峯青吾族東南美人賢地益靈

蘇舜欽寄題萃賢亭君家作虛亭跨澗復依山游鱗俯可釣佳木坐可攀我思醉其上與君開塵顏緬邈未曾到東望空長歎

梅聖俞寄題周源員外衢州萃賢亭詩昨朝江南客語子川上亭有時飛雨來不見前山青卉萼人未識

鳥響日可聽既將遲賢者無使童僕局宋成綬志此詩舊志不載今從集中采入但題為周源考選舉

志源為實元元年進士穎熙甯三年進士相隔三十年豈源作之而穎仍之同是此亭寄題有先後故

分屬兩人耶至衢州之即為江山更無疑也

天一亭 在仙霞嶺天雨庵內宋成綬志

國朝柴煒天一亭詩絕巘開泉竇亭閒水自流白雲歸寺冷清磬出林幽翠滴下峯雨寒生六月秋塵心到



此靜長嘯  
蘇蟬

化石亭 在江郎山道光二年僧乾裕募建

三近亭 在縣北二十五里大陳庄道光間里人汪如

升建亭有三層飛閣八面樹木蔭翳峯巒環繞每一

登覽殊豁胸襟

奈以增詩三層突兀勢凌空八面窗開八面風山色  
近依平檻下書聲高唱入雲中人家點點炊煙散春  
樹亭亭翠靄籠雨後憑欄閒眺望滿樓詩景畫難窮  
王景彝詩山勢盤紆處巍然傑閣開環峯青入抱古  
木綠成堆豈但承先志還期產異材寄言賢父老更  
與好栽培

登雲亭 在江郎街同治十年建

介亭 在仙居寺內明毛端簡公愷讀書處今廢

日涉園 在江山縣東白巖有飛瀑宋靖康末邯鄲李

傳正愛其秀拔因治圃於此宏治府志 天啟志在仙居寺前

趙氏園 西山景盤趙氏園內有梅泉宏治府志

枕園 在雪泉左明邑人王球建汪浩志

國朝車景錡題枕園詩負郭園林好塵囂自掃除玉簫  
仙史曲金錯美人書夜閣焚香後春池滌硯餘別來  
頻想像不讓輞川居  
楊世奇題枕園詩寂寂雙扉僻處開烏衣深巷舊亭  
臺一池春水明衣鏡誰把紅鷺換字來層樓百尺  
倚山椒桂影參差間柳條有客不妨聊鬪茗雪泉正  
好坐  
清宵

涉園 在鹿溪東邑人鄭鎭建汪浩志 案涉園有南

征帆江郎遠碧牛嶺松濤鰲峯殘雪江城晚煙鹿溪  
漁火八景

國朝王汝為晚過涉園訪毛子恭居詩別業臨沙渚高垣隱薜蘿林疎秋色近山迴暮寒多繭足幽情愜橫經勝友過無嫌歸路緩隔水起樵歌  
 姜亨筆涉園八景詩日暖風柔水拍隄催耕春鳥傍人啼軟紅塵外勞勞客爭似南山老抱犁銀河西瀉月輪東影落澄潭萬象空試向平原高處望清光午夜正當中我欲乘風破浪遊參差怪石砥中流布帆安穩今無恙蘆雁汀花送去舟三山壁立仰奇峯憑眺蒼茫遠黛濃仙馭不歸歸亦得煙雲幻出碧芙蓉疊嶂橫空翠欲流風鳴天籟靜含秋倦來一枕遊仙夢夢覺松花墜玉樓一夕風吹凍欲消雲根微露見山腰零瓊碎玉尋詩地遮莫騎驢問灞橋匹練橫拖畫欲暝望中城郭影亭亭虎頭縱有滄洲筆難寫迷離一派青  
 點點映前溪一聲欸乃歌初罷垂釣寒江月未西

松風館

未詳

采鄭魏廷題松風館詩一壑蕭然萬里間此身落得似雲間踞蹕野鶴身同逸來往樵人語不關瑤草茂

時春淡蕩亂溪交處水潺湲偶懷知己攜琴去十里松風未出山

景星館

在江山縣南五十步宋汪大猷辛棄疾皆有

留題

明統志

梅花館

在石門明毛介川退居之所今廢

汪浩志

白雲莊

在江山縣南三十五里石門有軒堂臺榭之

勝宋邑人毛維瞻建

輿地紀勝

內有掬泉軒平溪堂晚

望樓懶歸閣

天啟志

宋趙抃次韻白雲莊三咏詩掬泉軒好山深處靜開軒目送孤雲手弄泉枕石堂無金玉富濯纓家有子孫賢初尋舊隱逢三伏已發新吟近百篇聞說夜深炎暑散涼飈渾似素秋天平溪堂亭有休休古退藏豈如溪上構虛堂坐邀城市真瀟灑却謂江湖太渺茫下筆新題無俗事措筇野服是家常臨流最有

清風快未見古人心已涼  
 眺望臺治圃我依淨石  
 灘築臺君占白雲山三秋一日登臨外千里同風  
 尺間峯黛陰晴常黯黯溜琴朝夕自潺湲休官誰道  
 何曾見林下如今兩處閒  
 又題毛維瞻轍歸閣詩  
 溪流回合遠方池軒檻前臨面翠微紫陌紅塵行不  
 顧白雲青嶂坐忘歸方榮即隱誰能繼未老先休世  
 所希我昔侵晨登閣會主翁留散見蟾輝  
 案朱彩  
 志本天放志作柴望詩今從清獻集校正  
 曾顯忠白雲莊詩門外高踪近翠岑杖藜時得去幽  
 尋牛羊數點煙雲遠鷄犬一聲桑柘深高下闌回如  
 布局東西流水若鳴琴更聽野老談農事忘却人間  
 萬種心

百客廳

宋柴望建在長臺庄

宋成綬志

瑞萱堂

宋柴望建以奉母在長臺庄

宋成綬志

集翠堂

未詳

宋毛滂集翠堂詩煙岫供寒翠風簾舞小晴短牆分  
 竹色虛戶納松聲弄筆雲窗暖煎茶玉體輕端知松  
 檜月獨伴  
 夜禪清

雙溪堂

江山縣雙溪泉在縣市中有雙溪堂為負邑

佳處

輿地紀勝

祈年堂

江山縣登真巖有潭唐刺史投龍祈雨名為

天泉宋守范祖德作堂其址

天啟府志

世學堂

江山縣柴禹功受業楊時之門扁其堂曰世

學云

宏治府志

夾溪草堂

疑卽石門別墅

宋成綬志

明毛愷夾溪草堂詩煙樹草離離雙江抱村曲中有  
 幽人居茅屋數間足風度響松篁芝香走麋鹿對景  
 欲忘言雲  
 白山更綠

資賢堂

疑即毛尚書第

宋成綬志

懷舒閣

在仙居院前有水簾宋毛諫議即其前為閣

宏治府志

芝洲精舍

在茅坂明徐進士紫崖為瓊孝子伯綵築

宋成綬志

蘭香精舍

在仙居寺

宋成綬志

明毛允讓蘭香精舍詩君不見終南之山足幽勝昔有高人譏捷徑又不見竹林仙利起雲中登臨莫得空聞鐘豈若茲山深可寓棲遲迴隔紅塵路洞門無際水為簾瀑壁高懸雨增布細如絲竹鳴大比春雷怒石瀨松濤白日閒幽香不斷蘭滿山古殿池南厥精舍銀臺雞岫窺欄杆鑿沼成蓮社鳶魚資考槃考槃者誰子懶慢不堪比牀頭一卷書字字涵至理至理從來未易尋高山流水自知音階前鹿豕渾忘

溪上鳧鷖愜素心山空聽伐木樂處聞春禽不識春禽信多少山山次第啼春曉夢回一枕水天空窗開半榻煙霞遠我友誰人入室來共滋九晚歌塵表

潛心室

在長臺柴禹聲建

汪浩志

采徐存潛心室銘天在為吾性覺處強名心是心本無放放處即非心欲識真心狀光明常在今日當空挂何曾待汝尋古人云放心正指流情說流情雖不害解為人泪沒視聽言動間浮雲遮白日遮處斷永世冥冥若暗室智者辨當早覺從萌處別先立乎其大小者胡能奪轉眼動常省臨流剛且决久久轉光明吾身騎日月

明楊魁次徐逸平潛心室銘韻瑩淨常自在曰心亦曰性靈明湛真宰曰性亦曰心真心非有我烏得有古今後世不知心形氣外頭尋緣是不知性多從後天說憧憧往來問真體為滅沒且暮霧煙滄雲深那見日日用了不知誰克相爾室屋漏果無愧白黑曉然別磨涅在親民勿為磷淄奪動靜互為根無欲早自决心體渾一致長空片輪月

克齋 江山縣西山宋徐復殷家於此名勝志

菊所 元毛德祥建周伯温顏以城市山林今廢汪浩志

明王樸城市山林記三衢之江陽有隱君子曰毛君德祥者居於縣東之闔閭間其縣南諸山適當其門而左右縣後環樹以花竹槐柳松栢之類陰翳茂鬱浮芬積翠庭堂深靚而門閉雅潔朝爽之氣可攬於簾帷之間煙嵐之耀日浮於几席之上雖跬步屢肆而喧闐之聲奔趨之塵蓋不能及其似牆而接其耳目也昔左丞番陽周公伯温聞君之名扣門往見賞其所居之勝因篆城市山林四大字以畀之今年春君以事至京師余適相見於逆旅目其貌温然以和而清萃秀爽之氣復津津然見於眉目之間吾意其必為山林有道之士也因日與往來久之君乃徵文記其所謂城市山林者余曰夫山林之與城市其趣味之殊不可同日而語明矣蓋城市者小人射利之所便而山林者君子隱德之所樂也是故據康莊之衢而通舟車之貨競錐刀之末而規三倍之利君子固無所用於此焉若夫探印壑之幽而擅泉石之賞藉

豐草之色而坐茂樹之陰被射利者亦不能一日安於此也由此而論之則城市山林各適其適而君子小人之趨向固不同矣雖然所貴於君子者心無適莫而不物於物也彼山林城市皆物蹟之所寓而君子之有道者其心詎嘗泥於蹟哉是故君子之隱也或伍緇毗於城市之中或侶麋鹿於山林之下跡不能以動其中而在山林也亦未嘗枯形灰心如偶人而已也而或者不求其心而泥其蹟故於城市山林輒有輕重去就而復有大隱小隱之說是皆物於物而不達於道者夫豈知言也哉毛君居城市之中而有山林之趣優游逸豫以全其身而以詩書禮樂淑其子孫今年已六十餘其德彌邵而志氣不衰人皆曰毛君樂夫城市之山林而不肯出也嗚呼孰知夫君之所樂有在於山林城市之外者乎故因記以驗之

明胡拱辰菊所贈毛德祥詩漢代名儒裔元朝處士家一軒偏種菊九月盡開花有酒須頻賞無錢不厭賒靈根幾已葉秋色轉交加

宋濂菊所為毛德祥賦詩吾慕毛萇奕葉芳幽棲種

古蹟

菊待重陽一籬露浥花方發三徑風來酒亦香坐對南山情更逸飲來靈水壽偏長懸知靖節風流在不羨裴公綠野堂

張輿城市山林詩大隱幽居何處尋江陽城市有山林閒階鶴蹟蒼苔潤白晝棋聲綠樹陰鐘鼎已無他日夢乾坤惟有百年心雖緣門巷通車馬不受紅塵一點侵

秣溫城市山林詩陰陰楊柳綠臨門半似城居半似村畫靜白雲樓竹上秋深黃菊遠籬根豈無樽酒留賓客亦有詩書遺子孫隔屋紅塵飛不到人間何必問桃源

川上居 在航埠山明毛文興建 汪浩志

水心居 在上花園萬厯間邑人鄭杞鄭謙同建 汪浩志

和鶴居 在南門內明徐藿心書舍 汪浩志

文石居 在清湖邑人毛應思建 汪浩志

濠上居 在賓日橋左明邑人鄭德城建 汪浩志

國朝陶之綱題濠上居贈鄭二雨植詩好寄莊生達長吟愛爾閒夜蟾斜照水晴旭遠街山茗椀花間出巾車竹裏振不妨頻過晤遲我聽潺湲

高士居 舊志不載疑為周文興故居文興致仕後胡

宗憲表其里為高士坊或因以名其居也 宋成綬志

國朝蔣際元題高士居詩煙蘿興好宦情疏奕世猶傳高士居自有雄文驚日月不妨大道寄樵漁歸來身世盈尊酒老去行藏壓架書惆悵芳徽誰得似輓紅塵裏早懸車

石門別墅 舊志不載疑即夾溪草堂 宋成綬志

明毛愷石門別墅詩石門俯幽深透迤曠周旋兩溪從東來中有五畝園誅茅廬其間時挹肥遯賢在御有琴瑟披閱足簡編暮雲景云媚微颺扇和暄平蕪漲新綠弱柳吹香綿良朋亦萃止被服恒新鮮濯纓

清流泄振  
履崇邱巔

眠牛石 在大陳村其石橫欹嶺右形似雙牛對卧

面有石欄圍之

國朝汪日丙眠牛石詩幻出雙牛質宛然路旁蜷卧已  
多年曾誰說法看頭點可有要盟把耳牽月出清宵  
休喘息春生綠野任安眠前身  
應歷耕耘苦天使高棲百尺巔

景星塔 在縣治南明知縣余一龍建天啟 道光年

間邑人重修

百祐塔 在縣北水口山明知縣余一龍建天啟 道

光二十六年知縣李玉典重建

南有景峯突起若賓主然乃於茲山建塔以標之須  
之水自西來迴旋於縣之東北故水清而駛號為文  
水遊人恣翫焉惟此無水口為障乃於縣之十里兩  
山夾處造一塔於上望之如蓮花浮於水中蕩漾可  
愛自有此縣即有此塔不可一日無焉者也近來二  
塔俱壞而此塔則上側旁穿其壞尤甚故尹茲土者  
往往不利士子二十年無科第人皆咎之生員何應  
龍等以是告於本學文谷公偕謁我侯見田翁曰天  
時人事相符者也今官做而士曠如此豈皆庸瑣  
齷不自振拔矣乎或者南北二塔壞火焚而水洩故  
也夫火焚則木燭水洩則精竭文明之象漸矣我侯  
蹶然而起曰余之責也乃毅然首倡諸大夫從而和  
之十日鳩工二塔並舉期月告成南北遙望如車兩  
輪改曰百祐名實相應是年秋生員果中鄉試又明  
年我侯徵書交至僉告余曰塔之有徵如此哉我侯  
之功也不可以無記遂書其事以鐫於石  
附注浩水口山記江邑山高水駛水經城東門北去  
飛流約十里許抵百祐山東西對峙如門戶然前人  
猶慮其山之未極崑崙也建雙塔以鎖之誠欲其紆  
緩停蓄為一邑福有山民周善長者利其石可為灰

招工匠建窰殿不數月而山勢減邑人士羣籲請禁  
 余因與諸生謀曰百祐山為一邑水口固已而山則  
 周山也彼小人惟知利己違恤其他一旦以彼顯然  
 之利論以一邑隱然之福而止之彼則何知且彼仰  
 事俯育幸生活之有計而以濫奪之有所不忍而異  
 日偷掘之患亦難盡息諸生為一邑計盍出重價購  
 之諸生曰善於是周生三宅等釀資十二金善長亦  
 欣然出契山既前歲扣通學廩糧約一錢以完國賦廩  
 附於稅圖之前歲亦一邑流傳無有定主庶幾公山與  
 糧雖非公物然亦一邑議水口山戶名江公山計山十三  
 畝每畝該稅陸釐陸毫共該納稅八分

凝秀塔

與百祐相對高九層尤為聳偉萬曆三十一年

年知縣堵維垣建又造塔庵十二間邑士民蔡維範

徐允亨王大統王立徐實等建

天啟

道光二十六年

年知縣李玉典重建

明徐可求凝秀塔記余同年進士太冲堵侯來為令  
 問疾苦拊餓寒剔奸蠹清賦刑庶務不釐百廢爰舉  
 升墟而望東北之關鹿溪注焉舊塔孤銳法宜雄置  
 並控捍門詢諸耆艾僉謀允諸詎諸筮人策兆獻良  
 乃辨土物課工徒踰年造訖集賓佐觴之既登四瞻  
 五宿聚垣華表雙峙山若增而高水若浚而深其方  
 於卦值艮於垣屬天市於氣為六秀因名之曰凝秀  
 塔蓋高明之氣其蓄洩也以時博厚之氣其蓄洩也  
 以理理者山川之脈絡得其理斯得其秀是生明智  
 賢傑佐皇家為世用理氣凝而呈為秀矣用伐石鑄  
 功於塔山之麓  
 季玉典重建雙塔碑記須江三衢劇邑也距城北十  
 里有雙塔焉東曰百祐西曰凝秀雙尖夾峙高出雲  
 表若捍門然淮南石鼓仙霞東瓊源玉源西湖塘白  
 馬泉諸水曲折沿緣直趨城東而交匯於是據著壩  
 之上游作瞿塘之一束文水潑洞財源關鎖所係非  
 淺鮮也詳考邑乘西塔創始於萬曆末年邑令堵公  
 置而東塔則不詳何自起其載於志書者隆慶元年  
 知縣余公重修並云自有此縣即有此塔似宋移置  
 縣治當即創建原名無可考其曰百祐者則自余公



重修後改易今名也迄今凡二百餘年矣乃事勢靡常星霜遞更剝蝕日甚西塔於道光甲午陡然傾頽東塔則不知圯於何時詢之故老無有能言其故者大約不離百年者近是夫山川不改人物頓非合前後參觀之甲第科名昔之日何其盛上下二三百年間流風餘韻何忽焉遽衰有志者按其輿圖覽其風士不勝有興頹舉廢之思焉歲乙巳予來攝邑篆公餘與紳士談及咸欣然欲興復舊規爰於丙午春倡議勸捐并得公款二千金為之嚆矢經始於是年三月迄丁未冬嘉平月而二塔告竣址仍其舊而象取其新計共去錢一萬貫有奇工堅料實用費計周隆一册以信今而傳後茲不贅入從簡約也名仍百祐凝秀亦不忘其所自云

劉侃抵百祐塔詩峻峭陞水起塔勢鎮寒郊絕頂簪斜樹危窗帶棄巢葭邊潭影散石外浪聲敲薄暮收帆處閒雲尚戀均父舟過凝秀山下詩峭壁撐青嶂斜陽蕩水濱渦旋圓鬢暈石皴亂麻皴空穴時成響饑鷗不避人近山先壟暗惆悵松筠徐庚瑞百祐塔落成詩我邑山川秀色明重營百祐塔落成

湯湯須水牛關鎖指顧爭趨雁塔名舊址重番起七層煥新氣象倍峻嶒江城對峙捍門戶合作雲梯約共登鄭調元和詩環城水秀更山明有志果然事竟成即看捍門撐半壁好仍百祐署前名浮圖七級聳層層舍舊謀新氣象嶒關鎖財源全賴是勝他年穀話豐登鄭贊元和詩舊基依樣認分明百祐重題已告成忽報輪元欣有兆始知此舉利科名雲路奮翮何人快早登王郁堂雙塔落成詩塔造自宋蹟已古塔修於今湖余塔地靈人傑雙管詡久不見此幸復觀有基可憑事易舉工竣丁未始丙午七層九層仿舊矩城北十里水之澗對峙東西若賓主西曰凝秀東曰正直其身異病偃玲瓏其心故愚魯其脚樵者莫孺斧其項獵者莫試羽為須鎖鑰捍門戶為須華表耀行旅為須榮戟會圭組石旂南現塔延佇帆笏比來塔招取步蟾作梯毒雲侶釣鰲作竿紅日照霞散綺時塔作杆虹垂橋虛塔作柱岫巖塔簪鳳鸞舞波鏡塔涵蛟龍伍不驚浮圖最鉅不藏舍利最普百倍其功神凝聚天地人合祐秀府塔鈴琅琅風吞吐聞得塔語如是語鄭恒年舟

過雙塔詩忽過篁嘉渡風來語遠鈴天空飛鳥下潭

靜蟄龍腥作鎮捍雙關成功居十星人文今兆故長

嘯問

俞嘉塔縣東北三十里萬曆十九年知縣張斗建邑

士民王立徐世卿葉臣等捐貲塔與百社凝秀鼎立

為邑關鎖今圯天啟志

華山塔在長臺華山頭今圯

鳳林塔在鳳林水口天啟志

雅儒塔在雅儒水田天啟志

清漾塔在清漾對案天啟志

秀峯塔在二十一都秀峯人建今圯

騎馬尖塔在東序長臺人建今圯

下睦塔鎮安人建今圯

鎮松塔在長臺金榜山今圯

崑峯塔在三十都柴村舊志失載

義塔在北門外舊養濟院基近設以瘞無主骸骨注浩

志

拾遺志二

冢墓

何王墓

府志在禮賢鎮不知何代人或侵掘則暴風疾雨隨作人頗異之

趙王墓

府志亦不知何代人在縣東北一十里龍眠山下

葛王墓

天啟府志在縣西三十五里不知何代人舊有碑田夫斲為磨一日雷震碎之有取花磚者雷

復震今莫敢動

唐

祝欽明墓

天啟志在石魁潭其地多祝姓相傳欽明葬此又云道成鄉相亭寺舊有碑存

祝奢墓

浙江通志在景星山下武德九年封妻陳氏為懷德縣君詔合葬

衢州刺史周美墓

天啟府志在江郎山下留春塢

宋

樂清令周穎墓

府志在  
五里原

王忠獻公墓

采彩志在縣東北崇善鄉嚴巖公姓王失其名世居汴梁典禁旅金鎗班留守宗澤

辟參議軍機建炎初金人入滑往援有功累遷至樞密副使金人攻揚州留殿扼江渚被執不屈遂遇害

子撰時年十六尋父屍於野又廬其旁事聞乃錄為官遷公柩葬於此

知縣葉端墓

天敬志在縣後大樟樹下  
案今在署後園

孝子王撰墓

天敬志在花園上

逸平先生徐存墓

府志在南塘景星鄉明知縣黃綸訪得之立碑曰宋大儒徐逸平先生墓

又訪裔孫成章纔周歲令守祠仍置田六畝以供祭祀

明黃綸徐逸平先生墓碑記於維先生學有淵源蚤與羅從彥諸君子同學於龜山楊公之門則伊洛傳

心之統惟先生得其傳矣學成而歸講道於家從學者至千餘人朱子屢拜其廬每有所請先生告以克己歸仁知言養氣之說初若未達久而後悟又謂放心之解得力於先生為多則先生之心殆深契於文公之心矣先生隱居山林深藏不仕時相秦檜欲識之竟不可得則其所立之高殆若鳳凰之翔於千仞矣先生所著有六經講義中庸論孟解等書惜乎不傳而託諸邑乘者僅有潛心室一銘今誦其銘而究其蘊則先生心潔而道尊行純而德立真一代之真儒百世之師範豈特江陽之前哲與兩浙之儀型而已綸以疎慵來令茲邑首拓厥祠繼表厥墓所以追尚先生者不敢不盡其心焉然先生之心流行於天地之間而未泯者則固不以是為有所加也酌清湖之寒泉薦南塘之芳藻用表此心之誠求格先生之心而已矣

江山縣志

卷之十一 拾遺

冢墓

七

汪浩徐逸平先生墓勘案康熙五十年勘得先賢徐逸平先生墓在雉烏洲計稅五畝國初嗣絕有裔甥王雲從承祀辦糧至誠則雲從之姪也以盜斫具控到案經本縣親丈其來龍右盜葬二穴始念無碍免其起遷砍木二株亦免深求合將所丈弓口開明

立案今後樵蘇必禁敢有肆其剪伐者必以三尺從

之計開來龍嶺從逸平先生墳園肆拾貳弓直至嶺

右拾肆弓週圍壹百陸拾弓

國朝楊奏瑟謁徐逸平先生墓詩路緣重嶺上西去即

南塘斷碣風霜蝕空山草木香淵源尋洛水著述老

晚臨行拜斧堂

少師祝常墓天啟志在溪灘

江山丞鄭極墓朱彩志在縣北青霄橋

殿中侍御史柴瑾墓天啟府志在毛村石壁寺後

刑部侍郎徐復殷墓府志在九都出青山內翰渙之孫正節公應鑣之祖也

刑部侍郎周自強墓天啟府志在禮賢鎮圓覺庵勅葬

國史編修柴望墓天啟志在長臺高齋案高齋為國史讀書處其山即名高齋

元蘇幼安國史秋堂柴公墓誌銘公姓柴氏諱望字仲山號秋堂其先衛人始祖承事公仲緊避五代之

難從居江山四代祖諱元瞻以孝廉著稱辟於朝先

從祖司封公天錫與弟天因同年進士能以風節立

朝不附權貴嗣後太史公禹聲待制公中行侍御公

瑾大理公衛承務公復皆以理學政事伯仲後先柴

氏蓋奕奕有聲矣承務公生朝奉公伯之朝奉公生

迪功公可用迪功公生秋堂公公生而穎異五歲誦

詩書輒不忘甫成童博通經史諸子百家無不研究

方閉戶力學而篇什傳播徧江左咸推為天下士

矣理宗嘉熙間為太學上舍除中書省奏名淳祐六

年丙午元旦日食詔求中外直言公素明象數每夜

占星斗時復慘怛悲歌慷慨左右莫知其為也及

聞詔乃撰丙丁龜鑑一十卷起周威烈王五十二年

丙午止後漢高祖天福十二年丁未上下通一千二

百六十年為丙午丁未二十有一數其吉凶禍福於

前指其治亂得失於後正月書成上進忤時相意詔

下府獄逮詰幾不免時大尹尚書節齋趙公上疏言

柴望忠誠懇切所述根據史傳未可重以為愆得旨

放歸田里京師之人謂公謹論不容無不歎息公不

以得失介意既抵家氣瀟明歸去來辭以自遣隱長

嘯傲物外就之遊者哀其神采飄飄起馭風之想公性至孝早喪父太夫人毛氏孀節授公學業公在太學時雖晨遊結駟無一夕不問安否解職後益加虔謹於所居重構堂曰瑞萱堂承歡甘旨務竭其衷居喪哀毀成疾蔬食廬墓塊然骨立公家居聲名藉甚當塗屢薦之景炎二年端宗登極三山孔大諫舉奏薦公以布衣直疏前殿特旨授迪功郎吏館國史編校屢進疏論是時顛覆益甚忠志不遂鬱鬱成疾遂歸山中及宋亡元朝物色舊臣公杜門謝客獨卧榻榻而感慨激烈每於吟咏間見之其即事詩曰翠華歸何處花外啼鶉月中空自驚又書感曰堂前舊燕淚公從弟通判隨亨制參元亨察推元彪俱宋舊臣與公同志避跡不仕二姓賡咏於煙露之間聳動江湖稱柴氏四隱云公生於宋嘉定五年壬申卒於至元十七年庚辰年六十有九葬高齋之奇氣樓下即公所居也公娶王氏生一子希浚為宋太學生今不仕

大理寺正柴衛墓朱彩志在雲母山今寶蓮庵

武畧將軍趙善孚墓舊浙江通志在縣九都峯下

進士柴隨亨墓天啟志在擗林九磔口

明李遂宋建昌郡大夫柴公墓碑記往余守衢以誌籍多缺而文獻之靡徵也則嘗博稽故實收葺散佚以為郡乘雖簡編未就然一方之士余蓋得以尚論而近友之矣其在宋有四柴者建昌公其一也公家學有承筮仕不苟登寶祐四年進士知建昌軍事守已愛民時稱循吏而仕當革命之際乃與其兄國史望弟制參元亨察推元彪俱隱於擗林九磔之間蓋知時事已去不欲祿仕人稱柴氏四隱云既而元物色舊臣公自以宋室遺黎恥事二姓並不應徵辟而感憤激烈特於兄弟唱酬中見之黍離麥秀悠悠之懷蓋終其身不一日釋嗚呼士何不幸而遭遇若此耶余讀宋史見其當國事流離之際一時忠臣義士効命畢力沉江溺海曾不悔恨蓋雖時移事去猶滅名邈世戀戀舊君故國之思論者以為宋禮賢養士之報果然則感遇酬知宜自要近乃或奮起孤遠期於自靖而偷生南竄忍恥北面顧平日尊貴寵勢者

為之何感應之不類耶蓋君子之仕也以行君臣之義是故或遠或近或死或不死蓋君有見於義無所逃而分當自盡而彼以為為利祿而効忠者亦淺之乎知士矣建昌公審已揆情守真遂志識微於幾先而允蹈於事後雖志節未彰而亦文謝之流亞也是碑為李大司馬襄敏筆載羅山集中柴氏四隱集亦載之與舊志所載微有不同今從李公原本

柴蒙亨墓

采彩志在秀峯下南安寺

毛鐵視先生墓

宋成綏志在沙隄

毛夫人詹氏墓

葉水心文集葬衢州江山縣南臺寺綠秀山

宋葉適毛夫人墓表故朝奉郎知珍州毛檝妻孺人詹氏從其子為秦司馬幹官卒葬衢州江山縣南臺寺綠秀山是時吳曦斷東道曾王方平慮其國忘其家先其君後其親以節聞天下他年自廬山來永嘉渚上請余為夫人表於墓余曰史有狀壤有銘具矣復欲何所道且必言子罵賊是自表也方平泣懇曰誠然吾得大罪於母四本以貧故急升斗祿爾乃浮江縉湖上一綫之峽遭狂賊僭亂震動倉卒留無

計去無從是不擇便近地危其親罪一也曠盜獨無假南士不亟東下蓋西寄擊議使者坐縱口罵曠激士大夫心為賊囚守雖曦自斃蜀復完而母以憂憤終是不量官守高卑於親何益罪二也曦死用乏方增賦佐諸費吾數語有位治叛國當明順逆今籍陰通賊十數大家資數千萬何不給而重斂疲民皆張目縮舌不敢應吾因大怒題絕印紙不可納考功是不度事難易妄發無已無益毛氏之祭繇是缺焉罪三也既失事耕廬山追憶吾母暑風清冬日燠或牽軟車婦扶前孫挽後山巔可休水滌可息今不及游矣剖一蕘魁剝一豈蕘妻子皆得飽吾母不及享矣古人以代耕之祿不及為親恨吾以代祿之耕不及為親悲罪四也夫忠不獲其上謗鬱於下孝不全其親罪積於身故揭書之使過而讀者無不彰也雨漬風裂石苟未漫吾罪猶未已也所以戒天下為人子者焉余謂君前事幸未至陷胸碎首雖然亦烈丈夫矣而其辭約其義隱如此是可表也

縣令何程墓

宋成綏志在義家突九龍山

治中何郁墓

宋成毅志在下西山嶺下

徐正節先生衣冠墓

在保福寺

案先生全家殉節諸僕為具棺殮殯於西湖金牛僧舍後十八年其同舍生劉汝鈞率儒生五十餘人收而葬之方家峪私謚正節先生具載萬思杭州府志是先生忠骨已寔錢塘邑墓相傳為痊先生衣冠處故表而識之

明

知縣陳仲進墓

舊志在審山下

孝子何倫墓

舊浙江通志在墳前山

刑部尚書毛端簡公墓

天啟志在景星山賜葬

明徐階毛端簡公墓碑記公諱愷字達和別號介川嘉靖辛卯領鄉薦乙未舉進士授行人奉使肅藩盡却其餽己亥擢御史疏忤執政調甯國推官壬寅召拜南京營繕司主事分司蕪湖歷員外郎郎中皆在工部甲辰改刑部己酉出知瑞州辛亥調甯國甲寅補萊州遷山東按察副使居三年遷江西右叅政又

三年遷河南按察使轉右布政辛酉遷都察院右僉都御史巡撫保定提督紫荊諸關歲饑為視賦緩急次第徵之而盡罷諸役之無名者凡活萬餘人關故臨邊嚴兵守諸要害邊事以甯壬戌遷右副都御史總督漕運巡撫鳳陽逾年遷刑部右侍郎尋改吏部丙寅遷南禮部尚書復改吏部穆宗即位召為刑部尚書道得脾疾疏乞致仕詔不允戊寅夏公始至首請以中官之干紀者付法司又奏釋滯囚辨雪其冤抑風采凜然己巳疾復作會有所不樂連疏乞去詔乘傳歸公素癯又訥於言然操履嚴潔不可以毫髮犯其斷大事排大奸即鼎鑊在前不少撓屈常曰吾行事求慊於心所不安雖死亦不敢為也故公自少至壯以至於老自謂未嘗有一愧心之事海內士大夫聞而信之其去位也莫不頓足以惜云

廣東布政使徐霈墓

天啟志在上溪

博士周亞卿墓

天啟志在梅泉

副史鄭驪墓

天啟志在十都鐘山

孝子璩伯綵墓

天啟志在茅坂

太守姜瓚墓

在浩志在新塘邊今按在廣豐



中書徐惟輯墓

天啟志在本里

鴻臚卿周文興墓

天啟志在樟村壠

邵武通判鄭休墓

天啟志在百石

潘相魯應華墓

天啟志在紙塘

太守毛允讓墓

天啟志在觀音堂

柴白巖先生墓

天啟志在長臺經堂山

通判趙洙墓

天啟志在金家壠

贈承德郎徐公鶴秋墓

宋成

在陌山嶺下

明韓燠徐公鶴秋墓碑越中江邑山水多奇屢產高士有封君鶴秋徐公者係予已未所舉進士日葵之門五世景符公以科第顯歷六葉生璘璘生以明以明生公公生而穎異個儻不羈幼習舉子業弱冠勿售因挾策外遊與名賢相問難歸試於郡太守易霍岡公奇之始補邑庠聲名藉甚四方負笈從遊者不遠數百里公多方造就庠俊半出其門秋闈屢蹶意殊不憚壬子主政領鄉薦已未捷南宮乃養高泉石公性至孝誼篤友于好施予事叔以道兄九齡生既

無缺視姪猶子終始無二與知識往來雖傾困倒囊無難色里中少年輩微有善行獎借不遑稍匪囊即面斥不少假行善不令人知為人解紛排難事定不自以為功府縣延鄉賓歲時存問甚為上官敬禮公諱九臯字汝賢號鶴秋生於嘉靖壬子正月廿一日辰時卒於泰昌元年十月初一日辰時享年六十有九以子主政覃恩贈承德郎刑部江西清吏司主事葬陌山嶺下龜山蓋公精於堪輿素所自擇云

刑部郎徐日葵墓

天啟志在楊柳園

御史何遠墓

宋成綏志在下西山嶺下

署江山縣知縣方節愍公墓

汪浩志在景星山案山麓有碑題曰明忠臣節愍方公墓道  
國朝何茹連秋晚謁方公墓詩蒼涼松檜幾經秋憑弔忠魂土一坏商鼎有歸天北顧魯戈難挽日西流殘碑苔蝕龜猶卧華表煙深鶴自遊空  
對寒風思劍佩蕭蕭落葉滿荒邱  
鄭瑞麟謁方公墓詩節愍思方令殺身仁已成天心常北顧臣志獨南行隴外清風冷松間白日明偶然

逢野老猶  
自說忠貞

何賓峯先生墓 采成綬志在十六都礫上湖山底

御史陸和墓 在陸家漾 知府鳳任墓 在二十五都寶峯

王府長史周積墓 在高山山下 右僉都御史趙鏜墓 有墓誌載藝文

國朝

孝子朱尙聰墓 在下倉與妻孝婦徐合葬

提督黃大謀墓 在十四都毛沉後門 提鎮毛秉剛墓 在上尖

狀元林天彪墓 在景星山前 狀元黃瑞墓 在洋廣馬頭山

探花林天洛墓 在平山油車坂 副將林向榮墓 在楊柳園水碓頂

副將朱昭榮墓 在二十三都華山頭 潮州府知府何茹連墓 在西鄉檀

楠塢與恭人王氏合葬

工部郎黃遐年墓 在瓊嶺 漏澤園 即義冢 在縣南東嶽岡正德十四年知縣吳仲

立地窄不堪葬嘉靖間知縣王綸捐俸五兩買治民

蔡澤山地周圍三百餘丈植以松柏圍以牆塹今豎

石門額曰義冢 天啟志

城西義冢 在通賢門外步鰲山目連洞下乾隆丙子

年邑人王何毛鄭徐五姓捐助并置田租立耕寸會

為每歲培土並供孟蘭之資

峽口漏澤園 在三門坳乾隆三十八年紳士鄭敬德

王永煌柴曾鏞徐邦瑯等捐建知縣宋成綬復創捐

置田供輸糧稅

宋成綏志

宋成綏峽口三門勸義冢碑記古者四閭為族使之相葬墓大夫掌令國民族葬使皆有私地而掩骼埋齒更著於月令凡所以恤民者至矣其或違首坵之義委骨異土行有死人尚或殮之則所以濟仁政之不及亦在因地而為制耳江邑峽口僑寄浮於土著往來甚夥設有客死殯諸道左暴露可憐紳士鄭敬德等捐金購三門坵山地為義冢而徐邦瑯又捐已山之相近者廓之因以告余冀立石垂久余謂久遠之道在厚其資重其事付得其人爰捐金倡眾益置田供輸糧稅即交山源總口新建周王廟住持經理且與之約曰凡彼客死詎無子孫鬼猶求食餒亦可憫既已立冢必次第編字標以石棺書年月籍貫姓氏於和更設一簿詳悉記載以俟死者子孫識認遷葬其無名不識者別作一叢冢庶無相混每歲春秋卽令廟僧作佛事施食焚楮如此則殘魄知歸窮魄得所邑人士之仁風更餘於掩埋之外矣至義冢畝分四至及增置田土卽刊碑左眾姓捐金多寡皆例得書便後有所考是為記

拾遺志三

祥異

宋淳化三年四月甘露降

至道元年大有年

咸平五年饑

紹興十四年大水

二十四年饑

淳熙六年夏霖雨秋大水

八年饑七月不雨至十一月

嘉定三年大水蠲賦

八年春旱至於八月乃雨

十年饑多盜郡賑之

十四年大旱蝻蟥為災

十五年久雨江漲害民舍

元至元十三年大旱饑斗米錢五貫

十九年壬午有寇患學宮火

二十二年饑

大德元年大水

泰定二年饑

至正十八年冬雨黑黍草木皆花

明建文三年六月蝗飛蝗自北來食禾穗竹木葉皆盡通志作五年

永樂十四年秋大水

正統七年八月天雨雹雹大如雞卵鳥巢屋瓦皆碎人亦中傷後復大旱人多饑死

景泰五年大雪自正月至二月凡四十二日深六七尺鳥獸俱斃

成化一年大旱饑宋成綏志作成化初

九年夏大水舟可入市壞民廬舍

宏治元年紫芝生儒學明倫堂桂樹側紫芝叢生從此科第聯登是歲城南徐氏得金魚於

煙蘿泉畜之沼數年黑雲俄起池水盡裂有物蒼鱗赤鬣若麒麟然騰空而去

三年夏霪雨江水驟漲衝壞田廬甚眾

十年城市火

十一年大旱

鹿溪潭盡涸見大石有戊午天大旱五字

十二年大水

壞田廬視成化時尤甚

十八年火九月十三夜地震

大火焚廬舍殆盡震處地生白毛

正德二年江郎山旗見

先是宏治間赤旗再見姜瓖周任相繼第進士至是黑旗又現

周文興以書魁浙省明年登第邑人屢以為驗

三年大饑

餓者載道

四年大饑雨黑子

形與山中梘子同父老云正統間有此異地方不甯者凡三年後桃源寇

變居民羅難蓋先兆云

九年冬大雪

連日紛下寒凍極甚林木俱瘁有經春不生長者

十五年六月大水

寶陀巖窟出樓廡皆漂壞與三清山屋出同日開化亦然

嘉靖三年旱大饑

采成綬志斗米一錢五分

五年大旱飛蝗蔽天

八年五月大水

壞田廬漂溺甚眾

八月十一日雨雪

九年四月初五日雨雹

大如雞卵林木皆秃牛馬有死者

秋旱歲大饑

十八年夏霪雨秋旱

自四月霪雨至六月大水壞田舍漂溺人畜甚眾自六月至八月旱

竹木皆枯人多疫死

十九年蝗

二十一年六月蝗為災

六月二十四日有蝗蝻自北來食禾粟殆盡是時飛蓋天日有

司令民捕之至七月初四日方散

二十三年四月至七月不雨民饑

三十九年夏五月六月不雨

四十年大水饑知府楊準請賑

四十一年夏五月大水知府李遂請賑

四十二年春霪雨雨止即旱

萬曆元年霜降日雷電大作

三年五月至七月不雨米價湧貴

七年蟲食禾苗東南鄉尤甚

九年虎亂東近括蒼界多虎內一虎有鬣狀如馬噬人甚眾知縣易做之募人捕獲剖其腹指甲盈

升

十年大水推官胡準出賑

十六年大旱疫

十七年大旱饑民載道知縣張斗賑之

二十二年春大風拔木夏大水

二十三年春大雪驚蟄尤甚風聚處積深盈丈 虎至郭外 夏大水

五月旱八月大火先是元旦三陽居民拾得一錢四日自雅儒坊延燒百餘家時詭傳次月十九日當復發是日果復延燒凡二十餘家自是城四隅一日

火三四發太守岳萬階至邑設祭投前火錢於通明巷井內始安是年為五異

二十六年夏大旱斗米價二錢知縣蔣光彥立法於市鄉煮粥救饑

二十七年夏大旱

二十九年八月江郎山災是月二十七日見中石之巔微煙漸起向晚纖雨雨後聞祥異

雷擊聲火勢燭天光映數十里七晝夜不絕燼餘古  
栢木從巔墜下其香撲鼻是年礦監委官搜掘土青  
一邑

三十二年秋日中飛絮疫作俗名羊毛瘟市鄉死者甚眾

三十三年十一月初九夜地震

三十四年大疫

三十六年旱

三十七年復旱

四十年大有是年縣治內翠栢開丹花甚盛

四十二年夏九都出青山裂壓田數百畝時有樵採者忽移置隔隴前山

四十三年旱

四十五年春大雪

四十七年二月芝生巖宮時復有鶴飛入城中栖靈寶經堂栢樹上三日乃去

泰昌元年冬木冰乳枝俱折

天啟元年夏十九都地陷秋旱民饑

三年春城東隅地陷陷廣丈餘水震盪碧色夏四月大水九清橋

壞

崇禎八年大水各鄉同日出蜃漂沒田廬

十三年大饑知府張文達出賑

十五年步鰲山石崩聲如雷占謂兵興之兆是年廿七

戮張村石門清湖等處兵進檄知府張文達督金華游擊討平之嗣後土寇竊發無虛日矣

十六年旱

國朝順治三年大旱斗米八錢人採木皮土粉充饑

四年大旱饑

五年閩寇魏福賢亂

福賢嘯聚亡命出沒三省結連九

仙山寇首楊文所在焚劫田地荒蕪至十四年三省會勦始平丁壯死徙殆盡往往鄉行竟日絕無人煙

六年西鄉虎爲患

時有合村罄食無餘者

七年西鄉虎復爲患

八年旱

斗米五錢民多饑死

十一年旱

斗米三錢復遭寇亂饑窘爲甚

十二年夏大水秋大旱

十三年西鄉虎患

在西鄉毛塘一路二三十里間白日食人近山田地荒蕪

十五年東鄉虎患

獵戶以弩射殺掘出指甲數升又東嶽廟前石欄壓斃一虎凡六年患除

十六年大水

康熙二年大水壞田廬

四年六月大風雹

五年旱

七年秋大風移木毀屋

十年大旱蝗

禾苗盡稿蝗食殆盡民往數百里外負米餬口死者甚衆

十三年閩逆耿精忠叛突至江山

時男婦逃竄賊兵四出搜劫盤踞三載難

民避入深山死無算十五年八月王師進勦殘黎歡呼載道焚香迎請入城共慶更生自是始見天日



十七年大旱

二十年大旱二月暴風發

風自西來雷雨大作倒壓房屋甚眾

四月十六

日未時大風雨

其風驟起大雨如注滿城房屋撼動倒塌無數壓死人民

二十二年正月雨至四月

二麥盡爛米價湧貴

二十五年夏閏四月大水

舟通城市橋梁盡圯田廬漂沒死者甚眾

二十九年大凍

溪水合草木盡殞

三十三年秋蝗災

三十五年四月至五月不雨

禾苗不得插

三十六年夏秋大旱無禾八月雨雪

菽麥盡死民採蕨以充饑

三十八年八月大水衝沒田地

三十九年秋旱大饑

四十二年旱

四十三年旱

四十六年旱

四十七年四月初七日雷震步鰲山石筍折七月十一

夜大水壞廬墓

五十一年秋蟲食柏子盡

五十二年六月大旱至十月乃雨

以上俱仍汪浩志宋成綏志無續增

乾隆五十五年冬十二月大雪木冰

枝斷樹折壞屋傷人

五十九年夏無麥冬十有二月大雷電雨雹

六十年夏大水 五月二十一日狂雨經晝夜山水暴漲壞田地橋梁廬舍淹斃人畜

嘉慶四年夏無麥大旱

五年夏無麥大水

七年夏大旱饑 城鄉紳富捐米設廠平糶共一百餘所邑宰聞於巡撫阮書義輔常平字旌其

門者十家由藩憲給額以獎者十三家

八年春饑 窮民食草根樹皮紳富各捐貲運米平糶 夏麥大熟

十三年六月大雷雨暴風

十四年立夏前三日雨雪 禾苗盡萎

十五年夏麥大熟秋大有年 以上俱見學博蔡英東軒遺集

道光三年夏大水

四年春紫芝生黌宮 諭訓兩署叢生非一占者以為科名將盛之兆

九年秋江郎山火 七月十三日申刻迅雷下震俄頃火發延燒兩晝夜十里外昏夜如白晝

十三年大水饑

十四年大饑秋有年

十五年夏大旱自四月不雨至八月乃雨 田禾盡稿民苦饑饉紳富

捐貲設廠賑饑歲雖大歉民得安全詳經請旨給獎有差

十六年秋大有年

十七年麥大熟秋又大獲

十九年六月聞天鼓鳴

二十一年十一月雪木成冰

咸豐二年芝生六莖產縣治內知縣沈維祺謂靈芝有科名之兆是歲捷秋試者二人

三年夏大水饑

六年秋有虎患歲大熟

七年麥大熟

八年正月竹實城中竹盡結實占者謂不吉至三月粵匪陷城

九年六月雨毛

十年八月西山白羊成羣倏不見

十一年十二月冰河水盡合

同治二年大疫饑

三年大疫

五年夏大旱

六年夏江郎山鳴

拾遺志四

叢談

江山舊名須江唐昭宗乾甯元年隸鎮東軍後為吳越

所據宋太平興國三年錢氏納土罷鎮東軍始有江

山之名

汪浩志

江山縣舊久無城議立輒不果有印仙者示云江山縣

欲城直待金龍興後知縣余一龍至城之蓋合余之

姓名也

湧幢小品

案汪浩志云明嘉靖間邑侯余

龍二字其文實應公之姓名先是民謠曰若要玉

余一龍為江山令郊行見婦哭夫於墓而不哀有男子

從召問若與彼何親曰婦夫友也廉其鄰里婦故淫夫暴死家無基功親收婦繫獄陰語獄卒來視婦者告我前男子頻致其私獄卒以告執訊吐實邑稱神

明宋成

綴志

三衢毛澤民以薦者召對上問卿所居江郎山高可幾許澤民姑大言曰五千丈上問何以驗之毛對曰臣

日斜視景上喜其捷

四朝聞見錄

丙午丁未從古以為厄歲陰陽家云丙丁屬火遇午未而盛故陰極必戰亢而有悔也宋理宗淳祐中柴望所上丙丁龜鑑十卷自秦莊襄王五十二年丙午迄

後漢天福十二年丁未通一千二百六十載中為丙午丁未者二十有一備摭事實係以論斷元至正中

又有續丙丁龜鑑者補宋元事之缺前人已有此書

當考據故明三百年丙丁事應以續二書之後

池北偶談

明周頤字養浩會稽人英廟改元遷福建左布政使開

江山浦城道至今稱便

兩浙名賢錄

周文興夙講理學而兼通攝養能百日不食試以木椎擊顱骨不作痛楚嘉靖三十九年壽八十二矣偶微疾預知死期以刺徧別所知而後屬纊歸葬江山羣

公為省像故寓祠之

分省人物考

毛愷事母至孝親疾輒泣禱弗解衣母卒衝城幾無爲  
殮瑞郡僚屬遠道馳奠悉反賻金有孝過黔婁廉方

伯起之譽云

萬姓統譜

毛拜字平仲禮部尙書友之子仕止州倅與尤遂初相

友善臨終以書別之囑以志墓尤旣爲銘又序其集

書錄解題 按拜有樵隱集十五卷詞一卷

仙霞入閩良爲要途然漢代閩越由會稽海道而進吳  
越取福州自温州越海而南元人入閩多自明州濟  
師國初平閩寇一自江西出於閩一自明州泛海竟  
掩福州實未嘗由仙霞也夫用間道者多功自昔然

矣

方輿紀要

今人度仙霞者必乘竹兜子淮南王安諫擊閩越書輿  
輜而踰嶺則知竹兜之制漢已有之矣今仕者乘輜

古無是制輜字亦始見於此

閩小記

過窰嶺以往一嶺一廟皆祀關帝獨五顯嶺祀五顯山  
僧施茶結客多吾鄉人操土音慰勞綿亘百里中並  
無摩崖鐫刻以迄題名紀遊之蹟是所慨也然飛湍  
峭壁近接几席密樹深篁綠上衣帶奇花異卉飛蓋  
扶輪日在塵囂乃知此境之幽邈

榕城詩話

過霞嶺有廿八都見郵舍壁上題記其一聯云一官已

脫巒窟穴九度空過虎豹關末署西湖十九松處士  
意必陳倅世增也

宋成  
緩志

康熙十三年三月二十九日福建耿精忠反報聞四月  
初三日檄發本標中軍副將王廷梅統領勁兵一千  
名先赴衢州堵禦仙霞關初七初十等日賞賚官兵  
勉以大義命將至江山縣援勦十五年八月十七日  
衢州大溪灘大捷僞將軍馬九玉方逼衢為壘我兵  
乘夜走出其後直破大溪此江山一師也比其退奔  
仙霞而三關已為我據此常山一師也

程光祿李文  
襄公年譜

康熙十三年四月初六日據署江山縣事縣丞徐兆熊

報稱據解流犯快手親見遣牌浦城開路備牛十隻  
猪四十口稻五十石柴炭雞鶩酒伺候開路至楓嶺  
地方止十一日又據中軍副將報逆藩頭站於本月  
初七日到廿八都馬千總封總兵官進去逆接連夜  
趕出駐劄峽口楊把總帶兵駐劄江郎街裏面進去  
不得請星飛堵禦七月初五日又據把總馬伏秀報  
稱前往江山一路偵探至航埠河東一帶見逆賊撥  
兵在大路下帳房三十二頂周圍橘園帳房皂旗甚  
多河西有黃心皂旗八捍紅日皂旗不計其數從江  
山間道烏石山出來絡繹不絕鄉民口稱約有萬餘

四處催取糧草又據小南門外探兵報稱自江山出  
來火器賊兵無數至石門街下營賊以全力聚劄清  
湖日窺侵犯 仙霞關地當浙閩分界係進閩咽喉  
第一險隘自恢復江山縣之後官兵直抵關口分路  
夾攻逆賊見我兵威重大於本年八月二十日有偽  
副將金應虎等二員偽千總金起彪等二員首先投  
誠我官兵隨即四面齊進於二十一日連奪三關

襄公  
奏疏

查仙霞龍泉慶元泰順分水關各處皆山溪錯雜有險  
可據我兵扼守必擇其兩旁石壁中惟一路可通之  
所兩邊壘石恃爲門戶埋兵設伏中空一道惟用多  
藏炮火逆賊雖衆限於山路窄狹勢必不能參擠而  
前俟其一至火砲齊發賊必少退乘其步驟已亂出  
兵奮擊不可乘勝遠追卽回據原處此時火砲藥彈  
又可裝就如賊再至又如前法擊之賊鋒必挫自不  
敢侵突矣更恐賊從兩旁山頂突然而至勢不可禦  
必於兩邊高處設烏鎗礮石伏兵偵望毋分風雨晝  
夜一有侵犯鎗石自上而下一可殺百此正據險設  
奇以少勝衆相機進止之要策 康熙十三年四月  
十五日賊兵突犯清湖攻逼江山該副將王廷梅星



江山縣志 卷之三  
馳赴援千總高祿陳國任薛受益渡水奮擊闖寇大  
敗陳獲馬匹刀鎗等件賊隨退回 十七年八月檄  
選能員前赴仙霞關江山鳳林各處確勘通達賊營  
要隘處所多撥精兵扼守如有賊徒宵遁卽便尾追  
盡行勦殺倘遇形蹤詭秘之徒嚴行盤詰拿究仍差  
精細兵目遠偵確探凡有情形不時飛報以憑調度

別錄

宋縣南峽口市山下祝大郎富而不仁斗斛權衡不一  
乾道八年七月有道人過其門戒曰汝宜用心平等  
如是必有災一夕夢二青衣來言汝家所用斗秤安

在夢中與之既覺尋之已失矣因憶道人語爲災者  
火也卽盡徙室中之藏於山上方稍定地忽水湧屋  
宇錢帛隨流而下所居衝漩爲潭家人盡死獨一小  
兒與一婢在山巔僅免今呼爲祝家潭

汪浩志

璩源寺旁有龍湫歲旱僧法誣忽見白衣老人謂曰翼  
午當雨且曰吾居此湫逮午果大雨湫旁古木巉石  
有大蟒見則旱禱雨輒應政和中縣令苗仲先請於  
朝立廟宣德間賜額嘉澤寺有銅鐘二甚巨耿逆亂  
後僧欲賣鐘柴自挺力阻得存

汪浩志

明程謙以小花滄峻石峻嶒木簾經之歲多溺募工鑿

江川縣志 卷之三  
為通港往來便之

汪浩志

崧高柴汝招商於魯之沂州旅居四十餘載慕義好施每歲散積於貧俟刈獲而償間有負者竟置不問嘗攜僕馬至斜坊見小池中黑雲微起俄變隼四塞有白龍挾之駕空而行鱗鬣皆見不一刻下墜十步屯巴去二十里地矣僕馬無恙際此奇險匪有德必罹其毒矣

汪浩志

元和郡國志激水在須江縣東南一里一統志謂源出仙霞諸嶺滙於清湖始通舟楫梁書天監二年鸞鷲見於激水即此地也後人但以蘭溪為激水可謂溯

流而忘其源矣

汪浩志

萬曆丁酉秋邑令蔣公建九清橋落成是日有二鶴自西北來集於公署浹月始去邑人以爲瑞其子德璟作二賦以紀之

汪浩志

明毛介川趙方泉二人才名相埒毛登第十年趙尙未釋褐毛給假歸鄉趙遙望其輿走匿麥隴後毛下輿迎之遽趨握其手聯步歸又二年趙始雋毛官至尙書而趙亦僉都憲

汪浩志

石門太平橋在昭明橋之南相去約半里許爲入關要道自二十五年洪水衝地行者病之嘗詢諸邑人謂

郡庠生徐芝蘭之父名良梓者樂善好施於三十八年相度地形捐資重建往來者得免褻裳濡足之患迄今如新汪浩志

城北有七里橋陸行之要道也圯於漲知縣汪浩將合羣力以鳩工謀諸鄉耆毛一清請獨任告成遂刑牲落之先是一清再建毛塘橋費甚鉅再為水毀汪浩志

方氏錢塘人國子司直徐應鑣妻也咸淳末勸應鑣歸隱欲樵髻練裳以從應鑣曰朝廷養士三百年豈可效巢由高蹈氏曰妾獲觀乾象宋室將亡不忍見子女被髮左衽也遂作短歌以明志投後園之瑞蓮池

以死應鑣乃斂而葬之於西湖之八盤嶺汪浩志

崇義公者周後也仁宗嘉祐中以世宗本柴姓擇比部郎柴詠封之熙甯中司馬溫公留守西京欲廢柴姓而立郭氏王介甫極言藝祖受禪於恭帝不可使世宗絕祀由是柴氏世世承襲後徙居於衢朝廷有大祀則入侍至紹興五年柴叔夏入覲乞就衢州景福院安奉崇懿慶三廟從之三廟本在鄭時河南已淪於金也考邑志鄉薦有柴天夏襲封崇義公住長臺或自郡而遷於此歟至順間鄱陽吳德昭序柴氏宗譜云餘干柴氏自衢遷饒歷世幾四百年如疆怨南

溪蒙堂謂之三柴先生按南溪進龜鑑錄案南溪為柴中行進

龜鑑錄是柴望得罪在理宗丙丁之際而云遷饒幾四百年

案遷饒是南溪非柴望則襲封在衢者或別有一宗耶朝野雜記

江郎山有靈石廟碑記莓苔剝蝕僅存形似畧曰惟神

振自一門光於千載暨英靈之寢顯宜名號之增崇

有司考禮弼臣以聞雖疏侯國之封未慰士民之望

牲餼用獻祀事惟誠其可句讀者如此又曰鳩工於

政和七年之冬告成於宣和三年之秋屋大小五十

間糜金穀五百萬董其事者進士祝珙考舊志選舉

人物並無祝珙名姓豈他方之士客遊於此者歟汪浩

志

宋端宗景炎二年丁丑有事於祈穀壇徐宗文為贊禮

郎讀祝稱旨賜勅褒諭表其里曰祝禮鎮事載家乘

汪浩志

城西門外不數武有枕園為耆儒王樸所居引雪泉於

屋竇雜樹果木數百本登樓遠眺萬馬飛青半郭半

村致足樂也汪浩志

蔣公光彥宰邑時民間多逋賦積年不清公先期頒示

曰蚤完者給賞及比較案頭置素筵若干上納者輒

書江郎主人款畀之自是一邑爭先夙負不踰月而

江山縣志 卷之三  
畢萬歷間王公臣紀蒞斯邑外若不解事而內則洞  
然有積蠹乘催徵逋賦假公手筆爲勾票徧嚇鄉愚  
伺視事繁劇時以偽票混入輒拘民戶赴比公廉得  
其狀於判筆內藏一利針唱比之際檢真票置座隅  
因呼某某向案前曰何爲而假吾筆耶蠹張皇失措  
俛首就刑嗣後無敢舞文者

汪浩志

順治五年正月初一日白寇千餘突砍西門入城縣令  
吏捨印越牆以避役眾殺傷無數東門防守鮑帶兵  
衝散城庫獲全是月白寇何五十又率黨千餘自東  
鄉來過河戰於航埠山射死其首餘各潰竄寇勢自

此漸孤

汪浩志

康熙十三年甲寅閩寇亂時有俚言曰今日躲鹿穴明  
日卧豹蹊饑寒我自忍何以掩兒啼又俚言曰不怕  
連日雨只怕一朝雪雨濕猶可耐雪跡恐難滅又俚  
言曰山深猶未深谷幽猶未幽莫落悍兵手甯吞猛  
獸喉自王師進勦江山殘黎始得出水火之中

汪浩志

順治五年巨寇魏福賢聚黨作亂其始巢穴在建甯府  
浦城縣於谿壁壘地方十年正月十二日破秀峯義  
勇周旌等禦之連發七矢殺賊黨七人後旌以矢盡

爲餘賊所擒不屈死鄉人稱其勇烈自是破長臺破  
鎮安遷巢於廿七都青草潭上藏馬山中各鄉懼害  
秀峯與茅坂爲甚三省會勦負固不服秀峯周公瑾  
一名玉有勇畧精武技以千總防守長臺密探福賢  
出沒十三年八月隻身潛入寇巢生擒福賢斬之事  
聞分守道親行犒賞申詳各憲咨部錄功擢守備

汪浩志周九協述

順治五年永豐玉山大饑土寇楊文屯據九仙山結寨  
以拒官兵逆黨楊雙管應謝毛豆等分寇江山四鄉  
劫殺數歲九年六月間焚掠茅坂殆盡是歲三省會

剿楊文飛砲殞命九仙山寇四散有餘孽魏福賢陳  
紅旗賴白旗等哨聚浦城遂昌江山界上十年正月  
張村長臺焚殺更慘是時官兵東守則刦西西守則  
刦東焚刦禮賢石門亦如長臺等處鄉人大半入縣  
城居住逆寇乃向浦城遂昌去十四年又至長臺守  
兵對戰始退由是三郡會勦魏福賢帶十餘逆潛藏  
廿七都青草塘官兵帶領土人尋捕福賢死患始平

汪浩志

康熙十三年耿逆叛亂四月十二日僞先鋒江元勳領  
衆出仙霞關屯駐清湖十五日破城兵出擄掠十月

間移營九龍山與官兵隔河對壘江山住屋內地發掘煎硝寺觀鐘磬及民間銅鐵器皿皆取鑄砲十五年案當是十四年八月十五日進勦至航頭大戰羣逆盡殲

是夜九龍山偽都督馬九玉江山縣偽都督朱懷德

俱遁次日大兵追逐居民始安汪浩志 以上二條柴自挺述

甲寅之變江陽淪陷有偽帥設座於文廟發號出令蹂

躪不堪祭器書籍或鑄礮或製甲無一存者且并先

聖木主委棄於地戡定後有老役嚴律捧主而至乃

乘間攜歸者因齋沐而復登於座汪浩志

大嶺以東與括蒼接壤深山窮谷伏莽為虞明末曠寇

之害四境蔓延今曠禁甚嚴而他方流寓以種麻為

業土人嗜其微利立券招租聚散不常不可不防其

漸宋成 綏志

宋建炎時呂求中為江山令以仁宗所賜先世文靖公

璽書勒碑於璩源寺其璽書曰古人有語髭可療疾

雖無痊驗為呂夷簡力了契丹再好今朕剪髭與夷

簡合湯藥表朕意也見今卿久病兩地甚是闕人今

中書密院臣僚全然並不勾當公事令卿密奏勾當

可以委任臣僚五三人來朕要點使卿更調攝副朕

眷焉更有西北兩處事子細一一奏來慶曆三年三

月十五日午時朕髡付呂夷簡人第知唐太宗剪鬚療徐世勣之病而仁宗之事人未之知

宋成綬志

柴仲山進丙丁龜鑑錄十卷許時相下獄趙節齋汝愚

救之案是趙與篋非趙汝愚獲免其歸田詩曰白髮無人念青

山奉旨歸而別諸友詩有曰見妻還指張儀舌痛國

誰憐賈誼書同里蘇幼安題其遺集曰運厄丙丁知

定數天開南北驗斯文

宋成綬志

正德丁卯浙闈中式周文興相傳本房原擬作元主考

讀其顏孟表批曰文品名貴識力超塵此子有山林

氣象無臺閣規模因寘第四後舉進士歷官鴻臚寺

卿隱於吳山紫極宮之側督府胡梅林作高士坊以

旌之按丁卯表題係擬宋以顏孟配享孔子二氏子

孫謝表其畧云立政莫大於崇儒報功宜先於祀

臣祖回臣祖軻悟真卓爾妙契躍如聞所聞於約禮

博文發未發於知言養氣才佐王而稽四代禮樂之

制道承先而著七篇仁義之書德業相望於後先其

揆則一志行不同乎潛見易地皆然粵自晉武以來

代加封賜至我藝皇而下世有贊揚既陪九鼎之榮

復厠兩楹之邃回雖不壽實永壽於人心軻固未亨

而大亨於世道豈特寵昭二姓實將典式百王臣等



分叨章掖屬在雲祇惟一瓢之是甘奚萬鍾之敢望  
麤承家學過受國恩必使一聖二賢之言不徒口誦  
將見三王五帝之治實幸躬逢云云無所謂山林氣  
象也或是全場總評流傳之誤耳附此以志典型

宋成

綏志按表題註云元豐八年考神宗乙丑  
三月裕陵已上賓矣宋史稱七年者為是

汪西廣信府志有夏夢龍祠註云在玉山縣南二十里  
唐進士官至兵部尚書兄為太保自信安清湖徙居  
於此兄弟能禦寇既歿鄉人立祠祀之然則夏氏兄  
弟自清湖而徙玉山則皆江山人也

宋成  
綏志

邑人以五月十五為城隍誕辰相傳姓陳諱策見正一

真人府牒文曾為此郡節推而忠節錄又謂徐正節  
為本邑城隍總以正直為神理所當然耳

宋成  
綏志

過禮賢鎮十里土名崩石乃鳳林峽口之大路地廣四  
十餘丈南通浦城西接永豐康熙三十五年水漲瀦  
為深潭郡庠姜鼎於四十八年乘冬月水涸鳩工壘  
石為隄往來者便之

宋成  
綏志

騎石山即步鰲山有目連洞舊志云目連修行處政和  
間鑿池得青提夫人碑乃目連母也按釋典目連作  
大目犍連婆羅門種為世尊左面弟子因救母設盂  
蘭會彼時象教未入真丹安得修行於此或前代土

人效中元河燈之說建利山上因以附會其事耳汪浩志

宋史建炎四年毛隨為朝散大夫金人將飲馬於江高

宗懼范宗尹薦隨有甘石學因召對便殿奏謂歲星

當躔不足慮已而果然按毛氏族譜居鎮安汪浩志

邑侯楊公憲清丈田畝親歷數年艱難撥草莽履塗泥

沐雨排風手足胼胝竟以遺疾乞歸臨行之際士民

攀轅卧轍相向悲號公曰爾無然士各勤於學農各

力於田是予所望於若輩者也若地與山塘雖未竟

予志後人必有繼予而終其事者爾輩俟之可也觀

邑庠諸生朱秀儒長生頌言云往者邑多變故人共

遷移版籍無稽井疆難辨豪強享獨霸之租細弱有

代賠之稅所幸上蒼有限特遣召父繪圖丈熟除荒

捐資給米雖減此必致增彼而一均自可無貧歸戶

維新與民更始云云則士民之感戴可知已汪浩志

邑中有十大書院而終以東溪講舍徐孔霖方伯自粵

藩歸與司教謝文谷邑人林陽溪輩講學於此而大

令邵養齋薛鳴宇先後從之會中條約皎如日星姚

江一派闡發為多焉汪浩志

雙異謠者順治末有寶應君令其子以操切為能瓜連

蔓引血灑肉飛婦女負銀鐙棹某指夜則圈而押諸  
隸民乃謠曰寶應寶應如何報應掃盡江山不留一  
命後量移貳守卒無後越數年有臨汾君者以麴蘖  
爲性命訟庭隱几鼻息如雷案列石卵數十稍拂意  
卽飛擲之羣闕而走如避丸復有謠曰臨汾草千里  
來醉倚琴堂眼倦開階前石子積成堆憲使廉得其  
實遭白簡去

汪浩志

順治丙戌江邑尙稱隆武二年八月初七日縣令方諱  
召聞衢城已下適坐堂隨役寥寥有執蘇白扇者喚  
其將扇置案頭題詩一首於上有云獨守孤城誰是

伴只留烈骨可招魂俄而報云 王師臨境矣遂退  
時領兵都司單騎直入吏民迎之進署尋縣令已投  
井死 王師初十日遂長驅入閩秋毫無犯先是城  
中營兵萬餘勢如鼎沸居民移避鄉村十有六七新  
邑侯蘇多方招撫遺黎漸集然大半已爲白地矣

汪浩志

明末南糧之弊流禍無窮江邑舊額共二萬七百餘石  
分十段當差吏胥上下其手每每賣富差貧順治初  
四邑早有均攤之法獨江山尙仍舊例庠生徐元選  
具呈本縣哀籲府道轉申督撫駁查數次始獲一概

均攤官收官解邑人乍免賠累之苦

汪浩志

江郎山有湛甘泉刻石景星山有易惟倣刻石漸山有徐逸平刻石煙蘿洞有趙閱道辛幼安刻石今俱剝

蝕字跡莫可考已

汪浩志

舊志於真巖寺註云白鹿女仙修真處於廣惠寺註云傑峯祖師道場然不詳何代人并無碑記可考傑峯

見宋潛溪慈雲塔碑

汪浩志

柴家巷有三聖祠相傳明洪武時馬后患目疾醫罔效夜夢三金甲神謂之曰此疾得衢郡須泉水洗之乃瘥問其姓曰柴氏兄弟寤而遣使購水拭目果愈因

勅訪柴氏三人弗得悟其為柴家巷三聖之神遂封

為順應保和大王迄今附近之家相沿有會所有封

勅供神爐前咸謂開看必罹火患又查須女泉註舊

志載係唐時某后病目有女道士汲泉拭之遂愈與

此所傳又互異

汪浩志

泰山行宮在泰陽山有一天門百丈崖廿八盤遠眺臺

諸景俱倣泰山名之其巔有池深不可測大旱不涸

有黑雲起即雨俗傳有龍潛焉雲禱立應

汪浩志

泰山行宮所祀碧霞元君狀類普濟太主不知者以觀

音目之案李諤瑤池記黃帝建岱嶽觀遣七女焚修

以迎崑崙真人元君其一也又按漢明帝時石守道妻金氏名玉葉得曹仙指入天空山黃花洞丹成依於泰山初爲石像宋真宗時易以玉建昭真祠明成化改爲宮宏治間更名靈應碧霞元君天啟間有以銅鑄爲像者秀峯祝黃周等姓建行宮恭詣泰山迎其像而祀之神靈顯赫四方瞻禮如泰山

汪浩志按是山銅

佛有四遺失已久嘉慶十七年有樵子於叢棘中得其一禮奉寺中是夜環寺紅光廟祝夢神語三佛尙在故處往覓携歸貌如前邑人黃文楷有記

嘉慶七年南鄉峽口鎮山石夜裂中有菊花紋甚肖同知鄒鑒亭大訓昇置署齋囑舉人劉佳等賦詩

蔡英東軒

遺集

峽口東面萬山叢疊有風洞在峽裏潭洞口石壁上有天地呼吸處五字每夕大風刮耳徹夜方息人稱爲峽口吹六七里以外寂無聞風至處禾稼尤美相傳雨久聞風即晴晴久無風即雨居人以此占驗歷應貢生劉侃有詩

蔡英東軒遺集

峽山義民陳顏元至正間人時鄭百花等糾眾焚掠被義兵堵截遁藏括蒼復逸出顏父子兒媳共七人擒戮賊首搗散巢穴當道上其事未果封顏沒尸香三日民奉爲神至明洪武年封忠義貫日四字兒婦俱

江山縣志 卷之三  
四  
膺封爵今塘源口等處六社香火極盛咸稱為陳相  
公云

長臺柴國史秋堂墓有樹同根異莖大祇盈拱高僅丈  
餘南枝榮而北枝枯榮者冬不落葉非檜非梓人不

知名

重刻柴氏  
四隱集跋

南鄉茅坂徐氏聚族而居向稱著姓順治四年九仙山  
寇楊文魏福賢亂生員徐良枚率眾抵禦為賊所圍  
縱火焚殺一時老幼死者千餘人至今叢葬之所邑

人猶稱為千人墳

野老  
遺聞

西南鄉南塢地方為楊姓聚族有八角井極靈異每井

內若銅鈺鳴卽有登科者前明楊孝廉在延雍正時

孝廉楊燦獲雋俱有驗後乾隆壬子王應麒中式乃

寓居此地者人以爲奇徵云

野老  
遺聞

通和門內金街巷岳武穆王廟建於元毀於明舊基有

樟樹大合圍隆慶年間邑人王守伐爲梁樹內現岳

王廟在此五字墨蹟宛然守懼卽爲武穆王刻像就

其地建廟奉之

野老  
遺聞

廿三都大羅山相傳爲明征南將軍毛伯溫出身地聞

七八歲時尙未行走後遇術者謂此子器宇不凡非

偏隅所能長乃試以紅氈毬貼地始行遂携之去其

江口縣志 卷之三十一 五  
祖墓在山之陽峯巒排列若旗鼓

野老遺聞

南鄉保安街素乏水屢罹火患雍正初毛雲駮出資掘小圳引溪水流繞街道而火患有備居民至今並資

飲汲焉

野老遺聞

南鄉鎮安里毛氏祠前水忽成墨墨香撲鼻以巾拭之亦香越三十六日始止

十四都龍井井井也天生怪石狀如井澗水下衝碧波中洄次井蜷連隔有界石越半里水勢懸崖而下復成一井俱深不可測又有牛鼻椿者巨石由澗中突起端有孔形如牛鼻水繞左右碧宵而深相距里許

陷石巉巖下有幽壑水深無底名曰龍潭村人嘗誤投鐵器於此歲久浮出

峽口蘇家嶺廣福庵幽篁成林過客往來多題咏乾隆時大興朱文正公典閩試督閩學屢經此地疊韻留題一時和者甚眾其前任閩省督學筇河侍御卽文正從兄也曾於庵內留楹聯云雲石江將疑字浙風篁嶺若誤髯蘇暗藏浙江蘇嶺四字後蕭山王南陔中丞撫閩見舊題殘缺過半揭付裝池並繪空山破寺殘詩感舊圖繫以跋語俾寺僧珍守謂不啻東坡玉帶道光二十三年同安蘇鰲石觀察過此又爲重

江口縣志 卷之三  
裝加跋中丞爲文正門下士而觀察乃中丞門人也  
鴻爪雪泥一段佳話從此爲蘇嶺生色矣

咸豐戊午正月處州土匪張開發以法水煽惑廿七都  
等處知縣余以增搗散之踰月粵匪竄永豐逼近江  
界招集義民數千堵禦官溪相持至三月初一日城  
潰盤踞百日始退十年三月有股匪經西鄉過未入  
城十二月由常山竄踞林協鎮文察克復之十一年  
三月由華埠復竄入城旋遁處州八月又自廣豐度  
仙霞來往竄處州十二月李方伯元度統兵來防修  
城開壕爲固守計同治元年正月賊由處州金華兩

路來薄縣城不克屯聚東鄉累月並築賊營於花園  
岡三月初五日駐紮峽口曾鎮臺元福兵潰適左恪  
靖伯統大師來檄李方伯會勦盡焚其營遂遁時三  
月廿六日也

戊午開發之變官民協力故能剋日殲除自是城鄉皆  
注力於團練逮粵匪亂或占據或竄擾踪跡靡常各  
鄉團隨時防勦自戊午迄壬戌五年中沒於王事者  
千有餘人而首先死事者爲生員徐鳳詔被禍最烈  
者則長臺大陳兩村事平奏聞蒙 恩卹獎有差並  
勅建忠義祠以祀死難諸人此一役也在 國家固



爲曠典亦數百年培養元氣之所致也

江山縣志卷之末

邑人纂述書目

宋

中庸解

論語解

孟子解

汪浩志并作中庸論孟解

六經講義

汪浩志作六經正義府志作五經講義

書籍義

正德志以上俱徐存著

繫易集傳

汪浩志作易繫宏簡錄係繫易府志載柴中行著

論語童蒙說

汪浩志作語論說

書集傳

詩講義

六經正義

府志俱柴中行著宋成綏志宏簡錄不載疑即六經正義之誤

春秋解

明統志柴中行叔元振著有春秋解

太極圖說一卷

府志徐霖著

禹貢指南一卷

焦氏經籍志毛晃著

禮部韻略

內閣書目宋衢州進士毛晃增補

詩集十卷

汪浩志作詩文奏表

毛氏世譜一部

汪浩志作世譜

地理五龍秘法一部

宋史藝文志俱毛漸撰按舊志此書不載汪浩志有三墳書係毛漸

著宋成綏志考宋史藝文三墳書三卷毛漸所得非漸著也姑存以俟考

蓬山類苑

元詒正謨論

清高集

府志俱祝常著

齋峯集

去治府志周彥質著

奏議

汪浩志毛注著

東堂集六卷詩四卷書簡二卷樂府二卷東堂詞一卷

書錄解題毛滂澤民撰宋成綏志考宋史藝文志作集十五卷連詞

伯堅文集

汪浩志周頴著

非非國語一卷

刺刺孟一卷

補過齋拙稿

府志俱劉章著又一作龍游人

憲度權衡

須江集

宏治府志江山劉紱著汪濬志作須川文集楊廷望府志須江集劉敏士著須川文集柴紱著宋成綏志敏士與紱同保吉州者豈亦江山人耶疑有誤

退翁集

文選類要

正德志俱柴瑾著

丙丁龜鑑十卷

戒庵漫筆高祐中中書省奏名柴望上

秋堂集

宏治府志柴望著一作道州苔衣集咏史集涼州鼓吹汪濬志秋堂集與道州苔衣集並見宋成綏志考至正楊仲宏序公詩有道州苔衣集咏史詩涼州鼓吹涼州鼓吹詩餘也

爛柯集

汪濬志毛友著

公明文集

汪濬志鄭升之著

長臺詩集

汪濬志柴蒙亨著

瞻帖居士集

汪濬志柴隨亨著

襪線稿

汪濬志柴元彪著

柴氏四隱集

秋堂十一世孫復貞編重刻於明萬曆戊子知縣張斗序錢唐吳志上抄本跋名雖四隱實止秋堂瞻帖澤癯三人制參吉甫公無一字豈刻本原完輾轉抄錄遂失之歟按是集刻板久已無存族裔柴文晃抄本以元柴登孫所著芳所啗稿足成四隱道光二十五年柴氏修譜同里學博朱家麒履升促其付梓並為序而跋之

金陵雜錄

山居疏草

府志俱何郁著

卓齋集

鄭魏挺著

芹說

奏議集

俱柴衛著

溪上翁草

嚴瑀著

校學正書

蔣文祉著

韓昌黎集註

祝充著

元

三峯集

正德志祝君翔著

同聲錄

正德志龔宗傳輯汪浩志誤作宋人

明

白下集

正德志伍盛著

西山吟稿

政家遺範

汪浩志俱毛鼎元著

小臆論草

十史斷

汪浩志俱毛瑚著

明孝宗實錄

府志正德中周任登進士預修

元峯文集

崇正府志周任著

讀易管見

啟沃錄

圖說

山中日錄

二峯摘稿 崇正府志作一峯汪浩志以上俱周積著

一齋集十二卷 正德志趙檜著

嘉靖衢州府志

留齋漫稿七卷 汪浩志俱趙鏜著

趙氏家譜六卷 分省人物考趙鏜著

薛文清讀書錄抄釋

奏議八卷

介川文集 汪浩志俱毛愷著黃氏書目毛愷文集四卷

世德乘

道器真妄諸說

東溪文集六卷 汪浩志俱徐霈著

發筦集 汪浩志鄭忭著

紫崖遺稿 汪浩志徐惟輯著

明德樓稿 汪浩志朱夏著

潛夫漫稿

音韻通考 汪浩志俱徐伯知著

玩梅亭集 汪浩志柴惟道著

高園漫稿 汪浩志柴天復著

燕山遺稿

汪浩志 珠一桂著

青來閣草

汪浩志 施幼學著

和鶴居集

汪浩志 徐日葵著

墨林辨體

汪浩志 周相著

活人寶鑑十卷

正德志 伍子安著

栖碧錄

正德志 楊起溟著

國朝

介庵集

宋成綬志 姜漢宗著

笠齋雪老集

宋成綬志 柴自挺著

續丙丁龜鑑二卷

柴自挺著

秋曉堂集

宋成綬志 柴煒著

瀉心草

宋成綬志 蔣鐘著

碧梧樓稿

宋成綬志 姜亨肇著

雲軸詩草

宋成綬志 毛兆鐸著

響泉詩鈔

楊奏瑟著

西綠草堂詩集

何茹連著

香雪詩存

劉侃著

毛補南稿

毛元坤著

釣魚篷山館集 釣魚篷山館制義

俱劉佳著

紫霞山房詩鈔

朱家麒著

筆帚試帖

王鈺著

須江詩譜十卷

王鈺輯現未梓行

舊志纂修姓氏

明正德十五年庚辰創修

知縣 吳仲

明嘉靖二十三年甲辰重修

知縣 黃綸

教諭 譚景韶

訓導 蔣爵

張琛

主簿 陳學

生員 鄭思仁

伍聰

明天啟三年癸亥重修

知縣 張鳳翼

前知縣 蔣光彥

進士 徐日葵

教諭 張大基

訓導 龔應科

舉人 許繼善

舉人 鄭世熙

生員 施于國

璩國賢

胡大經

程廷楨

國朝康熙四十年辛巳重修

知縣 朱彩

教諭 朱長吟

訓導 王溥

國朝康熙五十二年癸巳重修

知縣 汪浩

教諭 宋俊

紳士 柴自挺

毛一清

周允協

周三宅

鄭維城



王蘊生

王增錦

鄭爾漑

姜日肅

周資纁

國朝乾隆四十一年丙申重修

知縣 宋成綏

舉人 和仁 陸飛

教諭 彭昌年

訓導 施鳳起

候州同 王名銑

前阜城縣知縣 鄭之望

舉人 柴澐

毛錢

林天潮

拔貢 王錫瓊

貢生 何平

陸上眷

王震

王名鍵

鄭醅

毛志青

生員 何元方

周 祝

鄭文烈

監生 王鳳來

何隆吉

王元和

何 博

鄭學濱

鄭學淮

附刊脩輯志書告示

為脩輯志書以光盛典而資觀感事據紳董姜桂芬等稟稱竊惟河渠食貨俱關太史之陳土俗民風亦備輶軒之採所以徵文考獻志乘為先而激濁揚清纂修獨重也江邑星分牛斗地接閩疆為全浙之藩籬作三衢之保障綺霞煥彩外環六嶺之雄練影澄澗內挹雙溪之秀訪逸平之門巷祇賸斜陽考正介之亭臺僅餘煙草卽此遺徽可溯已能興起於聞風從知往訓昭垂更足觀摩而效法是志之較於他邑也為尤要矣在前明始集成書盡湮諸罔象支祁之

江山縣志 卷之六  
虐卽

國朝本經續輯又毀於蒼鵝銅馬之氛殘編鮮有子遺成  
片久經霉爛職等同居塊土景仰先型互切旁搜祇  
留二部雖云陳編未墜直如碩果僅存輾轉傳抄幾  
迷亥豕重行檢校庶免辛羊况續修至今已屆百年  
則其間軼事不可枚舉忠孝節烈忍令湮沒無聞表  
暴流傳詎可遷延再緩職等商諸同好共樂書捐旣  
衆志兮克成遂僉謀之悉協非敢陳言務去遽思舍  
舊謀新實因往事就湮亟宜撫遺補闕酌議清單裝  
釘捐簿公叩轉稟示諭採輯纂修等情據此查邑之

有志猶家之有乘閱世未修中多更易分頭廣採遠  
藉考稽書寫固不憚勤勞搜攬實深虞遺漏雖出門  
合轍權衡自具於匠心而集腋成裘薈萃還資於羣  
力除會同儒學轉稟

各憲並將捐簿印發勸捐纂修外爲此示仰闔邑紳  
士耆民書吏人等知悉凡志中應載事宜各照後開  
條例迅速呈報爲忠孝爲節義多多益善或選舉或  
宦達歷歷俱陳遺聞諮浴下衣冠軼事問襄陽耆老  
將見嘉言懿行偕倬漢而爲章直教潛德幽光與景  
星而並壽共襄盛事勿負厥心特示

計開

一自乾隆四十年後凡有賢良方正忠臣義士孝子悌弟貞孝節烈婦女已請褒榮或確有奇異事實共見共聞並名公鉅卿傳記可據者

一自乾隆四十年後歷任峽口分府憲並知縣縣丞巡檢典史暨學署各官以及楓嶺營遊戎本城都閫官銜姓名籍貫履歷政績

一自乾隆四十年後文武進士舉人正途貢生暨仕宦貢監並邀

恩榮封典應行採入志書者

一有關忠孝節義藝文及著名壇廟古蹟

一本邑人物有品學兼優義行卓著素爲鄉閭矜式以及寄寓賢良確有事實可指者

一有關學校兵制賦役諸事增添裁減者

一山川關津及城垣公署應行添載者

一祥異及風俗物產可以採入志乘者

同治十年十月

日給



